

mea justitia, sed in summi Patris infinita misera- A nostrum, cui una cum Spiritu sancto est honor et
tione per Jesum Christum Filium suum, Dominum gloria in saecula saeculorum. Amen.

*Libro prescripto sit laus per saecula Christo
Anno Domini millesimo quadragegesimo sexagesimo, in vigilia sancti Damasi papæ..
Amen.*

VEN. GERHOHI

PRÆPOSITI REICHERSPERG

TRACTATUS ADVERSUS SIMONIACOS.

(D. MARTÈNE, *Thes. Anecdot.*, t. V, p. 1457, ex ms. Dunensis monasterii.)

ADMONITIO PRÆVIA.

Sequentem adversus Simoniacos tractatum suppeditavit nobis optimæ note codex antiquus Dunensis monasterii apud Brugas, ordinis Cisterciensis, a reverendissimo abbe domino Luca solita humanitate nobis communicatus. Cujus quidem tractatus primum folium auctoris nomen praferens, nescio quo fato avulsum erat. Verum hunc defectum supplevit contentorum in codice opuscularum index ipsi praefixus, primaria scriptoris manu exaratus. Qui est hujusmodi: *In hoc volumine continentur libri isti: I. Regula Templarensium auctoritate multorum Patrum præcipue domini abbatis edita; II. Liber domini B. ad eosdem de laude novæ militiae; III. Liber apologeticus; IV. Epistola domini Willelmi abbatis ad fratres de Monte Dei; V. Epistola fratris Geroch ad dominum B. abbatem, de Simoniacis; VI. Epistola cuiusdam eremitæ ad Rainardum Morimundensem abbatem; VII. Liber Petri Cluniacensis ad dominum B. abbatem de objectis et responsis utriusque ordinis.* Fuit autem Gerochus, seu Gerhous, seu Gerholus, canonicus regularis ordinis S. Augustini, præpositus Reichersbergensis in diœcesi Salisburgensi, vir doctrinæ non vulgaris, nec inferioris pietatis, sæculi atque Ecclesiæ principibus, episcopis scilicet ac summis pontificibus carus, quii corruptos sæculi sui mores verbis ac scriptis non semel exagavit. Inter varia autem lugentia sui monumenta, quorum indicem magnum habes in Chronicô Reichersbergensi, pauca haec tenus prodierunt, in lucem, scilicet *Syntagma de statu Ecclesie sub Henrico IV et V imp. et Gregorio VII, nonnullisque consequentibus pontificibus vulgatum Ingolstadii anno 1611, a Gretsero; Chronicô Reichersbergensi monasterii, eodem anno editum Monachii, et Expositio in psalmum LXIV, sive liber de corrupto Ecclesiæ statu ad Eugenium III papam, quem publici juris fecit Stephanus Baluzius Miscellanearum tomo V. Quas propter viris eruditis pergratum facere censendi sunt hi qui tanti viri haec tenus latentia opera & tonebris eruerunt, deinceps nolitis eos benemeritos fore speramus, qui sequentem tractatum adversus Simoniacos alias Galli opusculis certe non inferiorem hic vulgamus.* In eo auctor esti omnes omnino Simoniacos aggrediatur, conductitios tamen clericos qui nullo titulo alligati sacrum ministerium pro pecunia sola exercent, insectatur; quorum occasione pluribus agit de validitate sacramentorum ab hereticis administratorum. Porro, tametsi epistolæ titulum tantum præferat epigraphe codici praefixa, prolixitas tamen illius, tractatus aut libri nonem exigere videtur. B. abbas cui inscribitur, is non aliud est quam magnus Clarevallensis abbas S. Bernardus, quem Romæ existentem aut in Alemannia prædicantem videre potuerat, quemque ita sub fine tractatus sui seu epistole compellat: *Ad te, vir sancte, abbas Clarevallis; ad te, inquam, nominis ac vita illustris, cum semel capisset loqui, brevitatè compendium coactus excessi, meumque sensum, qui sæculares clericos et maxime conductitios offendit, ideo tibi tanquam patri spirituali digessi, ut ubi quæ sentio approbaveris, defensorem et adjutorem: ubi vero aliquid eorum improbandum judicaveris, correctorem te mihi exhibeas.*

EPISTOLA FRATRIS GEROCH

AD

BERNARDUM ABBATEM,
DE SIMONIA.

4. B in maligno positus, quia necedum apparet quod sacramentis et signis licet omnino similibus, non ubique cooperatur invisibilis Dei digitus, qui a multis

asseritur inesse omnibus sacramentis, tam extra A scriptoribus, non perdit justum cum impio : unde quain intra celebratis. Quod tamen vos, Deo gratias, non conamini astruere, sed inter diversas et a lversas mundi partes, ita vos medium soletis exhibere, ut neque affirmantes neque insinuantes prænotatum sensum adjuvetis : ob hoc forsitan, quia vos cum Elia declinando insidias Jezabelis, in spelunca silentii super hac quæstione vultis latere, captata vobis ac vestris quadam securitate, quam non possetis habere, si quemadmodum de peccato et de justitia mundum arguitis, ita quoque de judicio eum velletis arguere, astruendo scilicet quod princeps hujus mundi non solum in seipso, sed etiam in quibusdam membris suis jam judicatus est. Quod cum ita vel sit, vel vobis esse videatur, gaudemus quidem de vestra securitate, gaudemus vobis omnes homines esse amicos, etiam ipsos Christianæ religionis inimicos, dummodo vos constet eorum privatibus inimicari et adversari, quantumlibet sentiatis vos ab eis amari. Sed multum per omnem modum illi nos exhilarant, qui cum Elia non solum latitare, sed et cum eodem solent in hoc se manifestare, ut sacrificia falsorum prophetarum anihilant, et eosdem spiritus gladio jugulent. Quid autem de illis dicam, qui nunquam latitant cum Elia, sed semper in urbibus morantur cum Isaia, Zacharia, Jeremia, ceterisque prophetis, qui nullos vel paucos habuerunt discipulos : et tamen eos in faciem resistentes iniquis hominibus hoc solum reddit coram Deo gloriosos, quoniam ludibria et verbera experti, insuper et vincula et carceres, lapidati sunt, secti sunt, tentati sunt, in occisione gladii mortui sunt ?

2. Imitatores talium sitiens anima mea nusquam dulcius reficitur, quam cum præsides apostolicæ sedis intuetur. Per hos enim contritus est Simon Magus, per hos a sacri altaris ministerio repelluntur greges socialium, scilicet vel cum Nicolao, Ebione, et Paulo Samosateno fornicantium, vel cum ipso Simone Mago et Juda mercatore pessimo in domo Dei negotiantium. Ut enim de ceteris nuntiaceam, in quibus princeps mundi hujus jam judicatus est, quis impium Simonem cum suis sequacibus toties damnatum denuo censeat vocandum in judicium tanquam adhuc judicandum, cum in eo princeps hujus mundi jam ita sit judicatus, ut de illius toleratoribus Victori episcopo scribens dicat sanctus Gregorius : « Quisquis ad hoc facinus, videbit Simoniaca aut Neophytorum haereses, emendandum officii sui consideratione vehementer non arserit, cum illo se non dubitet habere portionem, a quo prius hoc piacularē flagitium sumpsit exordium. » Sane hoc notari cupimus, quod non in causis dubiis vel personis ignoratis dicimus hujus mundi principem damnatum, cum talium personarum tales cause divinum extremi examinis exceptent judicium. Sed in his tantum causis vel personis dicimus mundi hujus principem damnatum, in quibus evidenter a sede apostolica invenimus iudicatum. Hoc enim sedes cautis utendo circum-

B A scriptoribus, non perdit justum cum impio : unde ab illius præsulibus non ali cum Nicolao et Simone Mago judicantur, vel Nicolaite aut Simoniaci hæretici nominantur, nisi qui in erroris sui secta inducunt synodalibus sanctorum Patrum distinctionibus et decretalibus eorum statutis et manifeste inobedientes, apostatarumque pertinacia eis recalcitrantes, studio et voluntate refragantur. In tales dudum data est anathematis sententia, eorumque penitus interdicta sunt officia, quamvis in convictu, salutatione, ac ceteris hujusmodi eis communicare permittatur (in) eccllesia, quia, si etiam in talibus interdicerentur, oportuerat nos exire de hoc mundo Nicolaitis et Simoniacis pleno. Quis enim clericos conductitios eorumque conductores dubitet esse Simoniacos et hæreticos negotiatores ? Quis altaris ministros fornicantes et interdicta sibi officia usurpantes, talemque præsumptionem contra sedis apostolice doctrinam pertinaciter defendantes dubitet hæreticos, utpote a Romana Ecclesia discordes eique rebelles ? Verum, quia tales incestuosos et præsumptuosos difficile nimis est examinare, quid videbit sint hujus præsumptionis et inobedientiae, quam in interdictis officiis committunt, pertinaces defensores, et ob hoc hæretici nominandi ac publice vitandi, maxime si eos vitandos docent proprii sui episcopi, et qui non publice sint vitandi sed cante declinandi : maxime quia vel non defendunt aut docent faciendum quod faciunt ; vel quia eos, licet a Romana sede interdictos, proprii episcopi adhuc sufferunt; rectius fortasse hujusmodi homines inter pravos et interdictos catholicos, quam inter exclusos hæreticos computamus. Quanvis anno Dominicæ Incarnationis millesimo quinquagesimo nono celebrata synodo, præsidente papa Nicolao II, idem papa inventiatur eos cum assensu totius concilii Nicolaitas nominasse, perversitatemque ipsorum hæresim appellasse. Cum itaque auctoritate hujus Romani pontificis et concilii sub eo celebrati, possimus prænotatos incestuosos et præsumptuosos proscribere inter ceteros hæreticos : tamen quia, ut dixi, vix possunt examinari, contenti sunus eos pravos et interdictos catholicos nominari : ut nemo Romanæ sedis obediens audiat eorum officia terribiliter ab eadem sede interdicta : « Quia, ut ait Gregorius VII, peccatum ariolandi incurrit quisquis dum Christianum se asserit, sed apostolice obediro contemnit. » Sed hanc obedientiam facile possunt observare qui habent episcopos per omnia obedientes apostolicæ sedi, vitando scilicet, et vitandos docendo quorum illa sedes officia prohibet audiri : ubi vero episcopi similes angelo Thyatiræ nolunt mulierem Jezabel, quæ se dicit prophetæ, de suis terminis expellere ; sed permitunt eam interdicta sacrificia edere, pariterque fornicari, ac servos Dei seducere, ibi oportet veros catholicos aut persecutionem pati ab ista Jezabele, aut fugere sicut antiqui Jezabelem fugit Elias, aut ita suam cautelam, et Romanæ sedis obedientiam occultare sub ista

Jezabele, sicut quondam septem millia virorum A stoli, ac Judæ notatos, imo et in **Simone Mago** multo ante Baal genu non incurvantium suam cautelam occultabant regnante Jezabele.

5. Illec de incestuosis clericis dicta sufficiunt. Si quis vero in lepra Simonie ita notabilem et insignem se reddiderit, ut ex felle amaritudinis et obligatione impictatis agnosci possit, hunc non dubito ut hereticum et hostem Ecclesiæ cavendum: ut pote in ipso **Simone Mago** a beato Petro multis que successoribus ejus proscriptum et damnatum, quoniam, teste **Gelasio papa**, cum quilibet cuiusque perversitatis auctores ad doctores anathemati addicentur, omnes eorum complices et sectatores pariter sunt anathematizati et gladio spiritus amputati, atque antequam nascerentur prædamnati, sicut Chanaan filius Cham maledictus est antequam natus, dicente Noe: *Maledictus Chanaan servus errorum erit fratribus suis* (*Gen. ix, 25*). Quare in impio patris derisor Cham adhuc non natus maledictus est filius ejus Chanaan, nisi quia in damnato quolibet heresiarcha intelligi debet omnis posteritas ejus maledicta? Lege, si vacat, epistolam **Gelasii papæ ad Euphemium**, et invenies uniuscuiusque semel damnatae pravitatis non solum auctores, sed et successores et successorum communicatores pari modo vitandos. Dicit enim inter cetera ipse beatus papa **Gelasius** in ipsa epistola: « Si aliquis recte sapiens de fide catholica communiceat hereticis vel successoribus eorum, non est fas eum inter catholicorum altaria nominare. » Idem orientalibus episcopis: « Omnes complices, sectatores, communicatores damnatae semel pravitatis pariter censentur. » Item omnibus episcopis **Dardaniae**: « Patres nostri auctore cujuslibet erroris pariter cum errore damnato, sufficere judicaverunt, ut quisquis aliquando hujus erroris communicator existeret, principali ejus sententia damnatus esset, quando manifeste qualibet vel professione sua vel communione posset agnoscere. » Et post pauca: « Forma fidei communionisque catholicae Niceno prolatâ concilio Arianos omnes, vel quisquis in hac pestem sive consensu, sive communione deciderit, sine retractatione excludit. » Idem in sequentibus: « Ipse error, qui semel est cum suo errore damnatus in participe quolibet pravae communionis effectu et execrationem gestat et paenam. »

4. Nonne per hunc Romanum pontificem talia dicentem Spiritus Veritatis arguit mundum de iudicio, nimirum ostendens quod princeps hujus mundi jam judicatus est, non solum in ipsis hereticis damnatarum auctoribus, sed et in omnibus eorum sectatoribus, successoribus, communicatoribus? Hoc principis hujus mundi iudicium jam factum bene prospexit Romana diligentia, docens conductitios clericos in nullis ecclesiis tolerandos, ut pote in impio Balaam primo conductitio damnatos, et sub ejusdem Balaam detestando nomine in Apocalypsi Joannis apostoli, et in Epistola Petri apo-

B toties anathematizatos. Tales enim conductitios eorumque conductores, vel præendarum seu ecclesiistarum publicos venditores et emptores recte **Simoniacos hereticos** nominamus: etiam si semel damnata, imo multoties præcisam non defendant negotiationem, quomodo tam **Simon Magus** non defendit: qui, licet esset in felle amaritudinis et obligatione iniquitatis, tamen dixit apostolis: *Precamini vos pro me ad Dominum, ut nihil veniat super me horum quæ dixistis* (*Act. viii, 24*). Quantquam ergo ad iudicium sint vocandi qui de **Simonia** pulsati, neque **Simoniaca** actiones, neque **Simoniaca** pactionis lepra sunt manifeste maculati, ut habeant locum defensionis qui adhuc habent vocem negationis; illi tamen clerici conductitii corunque conductores tam manifesti sunt in domo Dei negotiatores, ut non solum actio, sed etiam pactio **Simoniaca** ita sit in his manifesta, quatenus debet pro certo constare, illos jamdudum cum **Simone** et in **Simone Mago** damnatos, neque sortem ullam eis in sacerdotio Christi esse, dicente *ad Simonem Magum* **Simone Petro**: *Non est tibi pars, neque sors in sermone isto, cor enim tuum non est rectum coram Deo* (*ibid., 21*). Similis enim causa simili subjacet sententiae. Nunquid enim **Petrus Magum** illum damnans non eamdem causam expressit, quam nunc inter conductitios et conductores esse nemo est qui negare possit? *Cor enim, inquit, tuum non est rectum coram Deo*. Sic et nunc si querant conductitii quare a Petri vicario sint proscripti, dictum sibi putent quod **Simoni Mago** dictum est: *Cor enim vestrum non est rectum coram Deo*; in quo non est rectum? videlicet *quia donum Dei existimasti pecunia possideri*.

5. Libet, admota Scripturarum lucerna proprius, demonstrante ipso lumine quod illuminat omnem hominem, intueri quare pre omnibus hereticis acieris damnati sunt **Simoniaci**. Quia cum omnes heresiarchæ pravitatem suam pertinaciter defendentes legantur damnati, in solum **Simonem Magum** etiam pro venia rogantem deprompta est maledictio, non quia donum Dei pecunia possederit, sed quia hoc posse fieri existimavit, quod est istud donum tam imprestabile, ut hereticus et damnatus et perditionis filius judicetur, quisquis illud existimat pretio possideri vel obtineri posse, ut ille filius perditionis, cui dictum est a Petro: *Pecunia tua tecum sit in perditione* (*Act. viii, 20*). Non sic, non ita vehementer damnatus est ille alter filius perditionis vendor Christi, ut una cum ipso perdeatur pretium sanguinis Christi. Nam ipso quidem pessimimo mercatore perditio, magna utilitas provisa est de ipso sanguinis pretio, dum secundum auctoritatem prophetice Scripturae comparatus est inde ager fuligine in sepulturam peregrinorum. **Simoni** vero dicitur: *Pecunia tua tecum sit in perditione*, ut hinc liquido animadvertere possimus scelere Iudee scelus **Simonis** maius esse. Nam

Judas quidam vendidit Christum , quem utpote mortalem non intellexit esse ipsum Deum , Deo Patri coeternum : quod hinc facile perpendimus , quia ipsa nocte qua Christus tradebatur , discipulos ita increpatos legimus : *Tanio tempore vobiscum sum , et non conovistis me ? (Joan. xiv, 9.)* Si hoc bonus discipulis dici potuit , quanto magis illi , quem ne Christum Deum agnoscerebat , avaritia quae sapientium quoque oculos excœbat , obœœcavit ? In recompensationem namque , ut sibi videbatur perditi unguenti , quod ipse dixerat trecentis denariis potuisse venundari , stimulante avaritia contentus est hujus pretii , id est trecentorum denariorum decimam Christo vendito acquirere , hoc est triginta denarios , qui sunt trecentorum denariorum decimatio . Quam cœcus vendor qui pro tam vili pretio vendidit illum , cuius in Canticis canticorum agitur : *Caput est aurum optimum , et manus tornaciles aureæ plenæ hyacinthis (Cant. v, 14)* , longe pretiosiores triginta argenteis , imo qui est illa Sapientia de qua dicitur : *Pretiosior est cunctis opibus , et omnia quæ desiderantur huic non valent comparari ! (Prov. iii, 15.)* Attamen quemadmodum dicitur hujus mundi principibus , quia si cognoscens ent , nunquam Dominum gloriae crucifixissent (I Cor. xi, 8) , ita de isto dici potest quia , si aureum caput , manus aureas et cætera in eo desiderabilia mortalitate carnis obiecta perspexisset , nunquam Dominum gloriae tam vili vendidisset . Neque tamen per ea quæ dicimus Judas mercator pessimus excusat , qui , etsi aliud nihil de Christo scire potuit , nisi quod homo innocens et honorum operum factor existit , hunc talem pro triginta denariis vendendo ad mortem , digne ac merito hæreditavit a Psalmista in illum predictatas triginta maledictiones , quarum prima est : *Constitute super eum peccatorem (Psal. cxviii, 6)* ; ultima : *Operiantur sicut diploide confusione sua (ibid., 29)* . Verumtamen tam iste Judas , quam etiam cuncti hæretici , qui peccaverunt in personam Filii , tolerabilius peccasse judicantur his qui peccaverunt in personam Spiritus sancti . Verbi gratia tolerabilius peccavit Arius in sua blasphemia dicendo creaturam esse Filium , quam impius Macedonius dicendo creaturam esse Spiritum sanctum . Ut enim Arius Christum creaturam diceret , ipsius Christi verbis de se secundum humanitatem prolatis , et ab ipso Ario non recte intellectis , primo induci potuit ; verbi gratia cum dicit Christus quia *Pater major me est (Joan. xiv, 8)* ; sed ubi trecentorum octo et decem Patrum sententiam consonauit de Patris et Filii consubstantialitate in uno Spiritu prolatam et indubitate sancti Spiritus auctoritate corroboratam pertinaciter oppugnans , indignum se vita æternae judicavit , non solummodo in Filium , sed in Spiritum quoque sanctum Arius ipse peccavit . Est enim indubitate sancti Spiritus auctoritas , unanimis Patrum orthodoxorum in aliqua sententia id ipsum dicentium , id ipsum sapientium censura , quam si quis contemnens dissono spi-

A ritu sic agitur , ut ex dispersione ad congregacionem quam Spiritus sanctus operator nunquam redeat ; ipse , beato Augustino teste , verbum dicit contra Spiritum sanctum , neque in hoc sæculo , neque in futuro remittendum . Sic sic Arius vel alias quilibet hæresiarcha , seu etiam schismatis inveterati defensor aliquis , dum nimis amando suam sententiam vel invidendo melius dicentibus , factus est pertinax et obstinatus , post initia suorum errorum , quibus fortasse non peccabatur in Spiritum sanctum , erroribus ipsis augmentum capiebatibus incidit in sancti Spiritus blasphemiam , neque in hoc , neque in futuro sæculo remittendam . Simon vero Magus vel alias quilibet Simoniacus in ipsa Simoniacæ negotiationis inceptione , qua donum Dei existimatur pecunia possideri , convincitur esse blasphemator Spiritus sancti . Nam quod Spiritus sanctus donum Dei dicatur et sit , ita est evidens , ut probatione non egeat ; unde illud quod mulieri Samaritanæ Christus dixit : *Si scires donum Dei , et quis est qui loquitur tecum , tu forsitan petisses ab eo , et dedisset tibi aquam viram (Joan. iv, 10)* . Ita invenerimus a magnis doctoribus expositum , ut donum Dei de quo Christus ait , non aliud intelligamus quam Spiritum sanctum . Quod cum ita sit , quisquis donum Dei existimat pecunia possideri , ipse Spiritum sanctum qui æque ut Pater et Filius est Creator omnium , redigit sub pretium utique a sancto Spiritu creatore creatum . Cum ergo Creatorem creature vili aut confert aut supponit , longe deterius Ario delinquit , quoniam ille Filium Dei asseruit quidem esse creaturam , sed tamquam excellentissimam , cui nec angelicam dignitatem concessit æquiparandam . Simoniacus autem donum Dei , hoc est Spiritum sanctum , credens et existimans quasi rem propriam posse ab homine pecunia emi , cum omne quod quasi proprium possidetur ab homine sit vilius et inferius homine , Spiritum sanctum qui donum Dei est , imo qui Deus est , supponit homini , et coæquat pretio gratiam impætiabilem , comparatque rem incomparabilem , si ad creaturas universas attendimus , quibus omnibus appretiari vel comparari non potest creator Spiritus , quemadmodum nec Pater , nec Filius , quorum amborum est iste unus Spiritus , æque liber ut Pater et Filius : imo cum Filius , forma servi accepta , per annos triginta fuit servus , etiam servientibus sibi angelis paulominus minoratus , Spiritus sanctus tantæ est libertatis , ut etiam servos quos repleverit liberos faciat ; unde est illud Apostoli : *Ubi est Spiritus Domini , ibi libertas (II Cor. iii, 17)* . Item : *Quod si Spiritu ducimini , non estis sub lege (Gal. v, 18)* . Jugum quippe legis iram operantis , jugumque peccati graviter onerantis , per solum hunc Spiritum adveniente ausertur , juxta illud Isaiae dictum : *Computrescat jugum a facie olei (Isa. x, 27)* . Nonne itaque magnum et nefandum sacrilegium homo committit , cum hunc solum Spiritum omnino liberum ac totius angelice vel humanae libertatis aut libera-

tionis effectorem vendit vel emit, quasi mancipium proprium? Imo cum hoc facere non possit, existimat se illum posse aut emere aut vendere, qui non venit ad homines ulla emptione, sed potius tanquam liber solummodo ubi vult spirat, et sua donativa dividit singulis prout vult (*I Cor. xii*), non prout emitur pretio, non prout exigit ambitio, sed, ut dixi, prout vult? Peccavit quidem in hunc Spiritum sanctum impius Macedonius, asserendo quod ipse esset Patris ac Filii servus, omnibus tamen angelis præferendus; multo amplius peccat Simoniacus, existimans quod liberrimus hic Spiritus, quasi mancipium proprium suum possit ab ipso vendi. Qui autem hunc emere nititur, et pretium perdit, et appetiatur non acquirit, sed tota lepra venditoris miro modo cum ab ipso non recedat, ad emptorem commigrat, ut tam emptor quam vendor inter filius membra pereat, qui extollitur super omne quod dicitur Deus. Nam Simoniacus vendor et emptor extollitur supra Spiritum sanctum, qui dicitur et est cum Patre et Filio unus et summus Deus, in qua excellentia quoniam Spiritus sanctus vili creaturæ supponitur, ut præmonstratum est, eidem Spiritui sancto sua divinitas denegatur: quod apertissimum scelus et blasphemia in Spiritum sanctum esse comprobatur; et est nequius hoc scelus scelere Macedonii, et eorum qui cum ipso blasphemabant Spiritum sanctum, dicentes cum Patris et Filii servum; quod ne videamur de corde nostro prophetare, Patrum non paucorum testimonium subnectere libet, quorum tam auctoritas quam numerositas fidem et non contentiosum auditorem potest movere, quæque dicimus persuadere.

6. Septima synodus universalis habita a quinque patriarchis cum trecentis quinquagintaque Patribus in epistola quam Adriano pape direxit, haec inter cetera dixit: « Eos qui per pecuniam manus imposuerunt, vel inponunt, Petrus divinus apostolus, cuius cathedram scripta est sanctitas vestra, tanquam Simonem Magum deponit. Tolerabilior est enim Macedonii et eorum qui circa ipsum sunt sancti Spiritus impugnatorum impia hæresis. Illi enim creaturam et servum Dei Patris et Filii Spiritum sanctum delirando fatentur. Iste nūm eundem Spiritum sanctum efficiunt servum. Omnis enim dominus quod habet si vult vendit, sive servum, sive aliquid eorum quæ possidet. Similiter et qui emit, dominus volens esse ejus quod emerit, per pretium pecuniae illud acquirit: ita et qui hanc iniquam actionem operantur, detrahunt Spiritui sancto æqualter peccantes, his qui blasphemaverunt dicentes in Beelzebub ejicere Christum dæmonia: et procul dubio non est gratia Spiritus sancti in eis, id est sacerdotii sanctitas: ait enim Petrus Simoni: *Non est tibi pars, neque sors in sermone isto* (*Act. viii, 21*). Nam et vicesimus et octavus canon apostolorum, et Actus eorum, te:tius et quartus liber Recognitorum alienum omnino a sacerdotio pronuntiant eum, qui aliqua dederit, vel acceperit pecuniam in

A aliquo tempore, sive ante manus impositionem, sive post impositionem. Accipere enim est quandounque accipere. » Item ex ultima epistola ejusdem synodi: « Qui per pecuniam quemque consecrat, vel consecratus est, alienus est a sacerdotio, sicut omnes Ecclesie scimus alumni ex canonicis disciplinis erudit. » Quem non moveat tantorum Patrum in una synodo residentium auctoritas consona, idem prædicantium quod prædicat etiam parvitas nostra? Cui si quis aestimat facile contradicendum, restat ut aunihiulet auctoritates tot Patrum nobis consonantium, atque una nobiscum affirmantium quod Simoniacus in sua hæresi vincat Macedonium hæreticum.

B 7. Sed quia de manus impositione multi concedunt, quod si per pecuniam tribuatur, dans et accipiens hæreticus efficiatur: de cæteris vero rebus ecclesiasticis non idem concedunt. Audiant illud ex epistola Paschalis pape Mediolanensibus directa. « Si quis objicerit non consecrationes sed res ipsas quæ ex consecratione proveniunt vendi, videtur quidem aliquid dicere, nihil autem penitus sapere. » Nam cum corporalis ecclesie episcopus vel abbas aut tale aliquid sine rebus corporalibus et exterioribus in nullo proficiat, sicut nec anima sine corpore temporaliter vivit: quisquis eorum alterum vendit, sine quo alterum habere non provenit, neutrum non venditum derelinquit. Quam tamen objectionem sacer Chaledonensis canon penitus exterminal, cum procuratorem vel defensorem Ecclesiae vel quemquam regulæ subjectum adeo per pecunias ordinari prohibeat, ut interventores quoque tanti sceleris anathematis inuincione succidat. Quid plura? Si anathematizati et excommunicati, et ut vere hæretici, Simoniaci et neophyti ab Ecclesia sunt separati, quis non videat quod hujusmodi sacerdotum missæ et orationes Deum ad iracundiam super populum provocent, quem talibus placari credebamus? Scriptum est enim: « Veri sacrificii locus extra Ecclesiam non est. » Et item: *Hæreticum hominem post primam et secundam correctionem deritu* (*Tit. iii, 10*). Quoniam ergo tales episcopos, vel abbates, vel reliquos clericos non devitamus, si eorum missas audimus, vel cum eis oramus, cum illis excommunicationem subimus. Quos quidem sacerdotes esse saltem credere omnino errare est, cum Petrus Simoni dicat: *Pecunia tua tecum sit in perditione, quia existimasti donum Dei pecunia possideri* (*Act. viii, 20*), ut cum existimasti dicatur, non pro eo quod fecerit, sed quod se facere creditid condemnatur, cum minus sit existimare, quam credere. In hoc ergo quod subjungitur: *Non est tibi pars neque sors in sermone isto* (*ibid., 21*), patenter ostenditur quod nihil sacrae ordinationis in hac promotione percipitur.

C 8. Audent adhuc aliqui post istas aliasque fortissimas auctoritates conductios ab hæresi descendere, dicentes ea quæ de Simoniacis dicta sunt non ad eos pertinere, pro eo quod conductiones, de quilius

agimus, non videntur nominatim in predictis auctoritatibus expressæ. Hi audiant illud ex concilio Clementis pape : « Jussum est antiquitus, et nos sub anathemate in perpetuum interdicimus de hæresi Simoniacæ, quæ crevit inœpta, de qua sancta decrevit synodus, nullum aut ecclesiarum consecrationem, aut archipresbyteratum, aut commendationes altarium, aut traditiones ecclesiarum, aut abbatias aut præposituras vendere; quique conduxerit aut vendorerit, aut emerit, anathema sit. Amen. Et responderent omnes tertio : Fiat, fiat. » Audiant illud conductitii, ne novum putent quod conductiones nihilominus quam emptiones aut venditiones ecclesiasticarum rerum dicimus pertinere ad anathematizatum Simoniacæ mercimonium.

9. Item sunt qui conductios ac ceteros hujusmodi mercatores per hoc nitantur defendere, a Simoniacæ hæresi, quod peccant cupiditate potius lucri, quam seducendi studio stimulati; quasi perversa eorum cupiditas minuat ac non potius augeat malum quod agunt, qui maxime per ipsam cupiditatem accusabiles fiunt. Neque enim Giezi ideo potuit a se lepram amovere Naaman Syri, quod peccaverat magis cupiditate vestium et argenti, quam studio quemquam seducendi. Talibus manifeste obviat Urbanus papa secundus, ita dicens : « Quicunque res ecclesiasticas non ad hoc ad quod institutæ sunt, sed ad propria luca munere linguae vel indebiti obsequii vel pecunia largitur vel adipiscitur, Simoniacus est : cum principalis intentio Simonis fuerit sola pecunia, et avaritia, id est idolatria, ut ait Apostolus : *Et avaritia quæ est idolorum servitus* (Ephes. v, 15).

10. Huic Romani pontificis auctoritati quidam faciunt inœptam oppositionem. Dicunt enim : « Si rerum ecclesiasticarum per munus linguae, obsequii indebiti, perque munus pecunie facta largitio vel adepti o est Simonia; jam Simoniacis plena est omnis terra, quoniam et villicis ceterisque colonis necnon militibus laicis donantur interdum ecclesiastica, interveniente linguae, obsequii ac munieris mercimonio. » Qui hæc dicunt, non satis inter sacrilegium et Simoniam distinguunt. Nam cum beneficium et officium ecclesiasticum ita sint juncta, quæ madidum corpus et anima, quisquis eorum alterum ita comparat, ut alterum sine altero non proveniat, ipse utique in Spiritum sanctum peccat, sine quo nullum ecclesiasticum officium posse rite administrari constat. Officia ecclesiastica sunt quorum ista sunt nomina, episcopatus, presbyteratus, diaconatus, præpositura, abbatia, clericatus, et si quæ sunt hujusmodi, quæ sine dono Spiritus sancti non possunt rite administrari. Ut igitur de uno agamus, de solo episcopatu proponamus possessori, ut aliquis episcopales facultates per munus obtineat, villasque ac cetera bona episcopali administrationi debita sic possideat, ut omnino episcopus nec esse, nec dici concupiscat, quod a nonnullis tyranorum sociis factum constat :

A nunquid hunc talem judicabimus esse Simoniacum, quia nullatenus existimat vel hoc de se cupit existiri quod donum Dei possideat? Imo si congrua rebus nomina ponimus, non Simoniacum, sed sacrilegum hunc talem dicimus, quia tollendo sacrum de saero, ecclesiastica, quantum in se est, facit sæcularia, et non ecclesiastica existere. Istud sacrilegium laicis est imputandum, qui r. s ecclesiasticis administrationibus debitas possident per sæculare obsequium talibus rebus inlebitum. De hoc collegio notantur laici decimarum possessores, et episcopi earumdem decinearum ultronei concessores, juxta illud beati Urbani papæ et mar. yris : « Ipsæ vero res singularum parochiarum in ditione episcoporum, qui locum teneant apostolorum, erant et sunt usque adhuc, et futuri semper erunt temporibus, ex quibus episcopi et illeles dispensatores eorum communem vitam degere volentibus ministrare cuncta necessaria debent, prout melius potuerunt, ut nemo in eis egens inveniatur. Ipse enim res fidelium oblationes appellantur, quia Domino offeruntur. Non ergo debent in alios usus quam ecclesiasticos et prædictorum Christianorum fratrum vel indigenantium converti, quia vota sunt fidelium et pretia peccatorum, atque ad prædictum opus excludunt Domino traditæ. Si quis autem, quod absit! secus egerit, videat ne damnationem Ananias et Saphire percipiat, et reus sacrilegii efficiatur, sicut illi fuerunt qui pretia prædictarum rerum fraudabant. De quibus in prædictis apostolorum legitur Actibus : C *Vir autem nomine Ananias, etc., usque factus est timor magnus in omnes qui audierunt hæc* (Act. v, v). Hæc, fratres, valde cavenda sunt et timenda, quia res Ecclesie non quasi propriæ, sed ut communes et Domino oblatae cum summo timore non in alios quam prefatos usus sunt fideliter dispensandæ, ne sacrilegii reatum incurvant qui eas inde abstrahunt, ubi traditæ sunt, et, quod pejus est, anathema flant, etsi non corpore, ut Ananias et Saphira fecerunt, qui mortui eccliderunt, anima tamen quæ potior est corpore mortua et alienata a consilio fidelium cadant, et in profundum barathri labantur. Hucusque verbis Urbani primi sufficiat nobis exaggerasse crimen sacrilegii, quod in distractione rerum ecclesiasticarum committunt episcopi, qui nequam in illicita decimarum concessione quæna laicis faciunt, Simoniam committunt, quia cum illis decimis nullam spiritualem administrationem illis injungunt, sed manifestum sacrilegium, ut satius arbitramur superius demonstratum, quia videbile rem ecclesiasticam, quantum in ipsis est, faciunt non ecclesiasticam. Urbanus autem secundus de talibus egit : « Qui dant vel possident res ecclesiasticas, ut ecclesiasticas, id est officio vel ministerio spirituali, quemadmodum corpus animæ, conjunctas, quas dum vel habent, vel aliis largiuntur, una scilicet cum spiritali ministerio sub Simonis intentione, quæ fuit avaritia sive cupiditas lucri, vero comprobantur esse Simoniaci, quia donum

Dei quod in sancto ministerio est, existimant pecunia possideri, et contumeliam faciunt sancto Spiritui, quem sic existimant posse obtineri. » Nam, ut premissa superius papæ Paschalis auctoritas ostendit, quicunque de rebus pariter conjunctis alteram vendit, alteram invenditam non relinquit, scelus istu l quisquis occulte committit, reus est judicio, videlicet judicio divino. Qui autem quasi dicens Rachæ, manifestum et indubitatum in se hujus sceleris dederit signum, reus est non solum judicio divino, sed etiam humano concilio, quoniam subjacere dignoscitur his quæ contra Simoniacos prolata sunt in quolibet sanctorum Patrum concilio. Si autem a quolibet sane redarguitur, redarguenti se dicit *Fatuæ, reus erit gehennæ ignis* (*Matth. v. 22*), et est omnino illis consimilis, qui Christo arguenti se dixerunt : *Dæmonium habes* (*Joan. vii. 20*).

11. Nunc igitur illis divino judicio servatis, qui rei sunt judicio, quoniam scelus eorum est in occulto, agamus de illis qui sunt rei concilio, quia Simonia eorum est in aperto, ut manifesti venditores et emptores ecclesiarum, præbendarum, aliamrumque rerum ecclesiasticarum ut ecclesiastica rum. Quibus cogimur connumerare conductios clericos eorumque conductores, quoniam et illi committunt non occultam, sed apertam Simoniam, dum et conductitii vendunt, et conductores emunt missam vel administrationem in Spiritu sancto agendum : hos tanquam reos concilio primum percutimus, vel potius percussos demonstramus in Chalcedonensi concilio, ubi de talibus clericis vagis, et ad nullum titulum certum ordinatis, ab omni concilio statutum est et definitum, eos nusquam posse ministrare ad ordinantis injuriam. Illici saneto et magno concilio consonans Leo Magnus : « Vana est, inquit, habenda consecratio, quæ nec loco fundata est, nec auctoritate munita. » Sanctus papa Gregorius idem concilium cum cæteris principalibus conciliis approbans in sua synodica dicit : « Sicut sancti Evangelii quatuor libros, sic quatuor concilia suscipere ac venerari me fateor, Nicenum scilicet, in quo perversum Arii dogma destruitur; Constantinopolitanum quoque, in quo error Eunomii et Macedonii convincitur; Ephesinum etiam primum, in quo Nestorii impietas judicatur; Chalcedonense vero, in quo Eutychetis Dioscorique pravitas reprobatur, tota devotione amplectior; integerrima approbatione custodio, quia in his velut in quadra:o, sanctæ fidei structura consurgit, et cujuslibet vite et actionis existat, quisquis eorum soliditatem non tenet, etiam si lapis esse videatur, extra ædificium jacet. Cunctas vero personas quas præfata veneranda concilia respuunt respo, quas venerantur amplectior, quia, dum universalis consensu sunt constituta, se et non illa destruit quisquis præsumit; aut solvere quos ligant, aut ligare quos solvunt. Quisquis ergo aliud sapit, anathema sit. » Et nos ergo sancto Gregorio consona sentientes, clericos vagos ad nullum certum titulum ordinatos,

A passim vagantes, et venale officium suum circumferentes in Chalcedonensi concilio abjectos abjecimus, ne vel a sancto Gregorio dictum anathema incurramus, vel extra ædificium juxta illius censorum jaceamus.

12. Objiciunt quidam hujusmodi vagos clericos, cum ordinarentur, quibusdam titulis fuisse assignatos, quibus tamen nec ipsi erant regulariter alligati; sed cùm ordinarentur, sunt ad illos titulos nominati, quia non erant illis titulis seu ecclesiis vel prælati vel earum prælatis canonice aut monastice alligati; sed tantum sunt nominetenus attitubati. Quorum consecrationem nos *talem censemus*, qualis esset consecratio episcopi, qui ad aliquam episcopalem sedem consecraretur, ad quam non fuisse set electus, et in qua nunquam reciperetur: sed illo neglecto et rejecto, sedes illa per alium regulariter electum et consecratum regeretur, nec ei locus ullius episcopandi vel illic vel alius concedetur, qui tamen si alicubi regulariter alligaretur, ita ut aut canonici aut monachi efficerentur, posset eis certo in loco fundatis impendi aliquod subsidium pietatis. Nunc autem quia nusquam regulariter aut legitimate stabiliti hac et illac vagantur, circumferendo venalia officia sua, quæ nusquam celebrant, nisi sub conventione Simoniacæ, proserenda sunt contra eos alia capitula, quibus eorum monstrantur officia penitus esse vacua et irrita, tam pro eo quod sine titulo sunt ordinati, quam pro eo quod manifesti sunt Simoniaci. Placentinum concilium presidente Urbano papa celebratum dicit : « Sanctorum canonum statutis consona sentientes, decernimus ut sine titulo facta ordinatio irrita habeatur. » In eadem synodo contra Simoniacos ita dictum est : « Ea quæ a sanctis Patribus de Simoniacis statuta sunt nos quoque sancti Spiritus judicio et apostolica auctoritate firmamus. Quidquid igitur in sacris ordinibus vel in ecclesiasticis rebus, data vel promissa pecunia, obsequio aut lingua, acquisitum est, nos irritum esse et nullas vires unquam obtinere censemus. Si qui tamen a Simoniacis non simoniace ordinati sunt, siquidem probare potuerint, se cum ordinarentur, nescisse Simoniacos; et si tunc pro catholicis habebantur, in Ecclesia talium ordinatio nes misericorditer sustinemus: si tamen laudabilis vita eos commendat. Qui vero scienter se a Simoniacis consecrari, immo exsecrari passi sunt, eorum ordinationem omnino irritam esse decernimus. » Multa possemus his capitula consona colligere; sed ista credimus intelligenti sufficere ad nostræ comprobationem sententiae, qua dicimus omnia manifestorum Simoniacorum officia in præmissis capitulis exsufflata et damnata penitus esse irrita, sicut et Donatistarum aliarumque damnatarum et exclusarum personarum officia omnino asserimus esse irrita, quamvis eadem quæ nos habemus habeant sacramenta.

13. Hic scio multos non consentire, dicentes fieri non posse ut ubi est integritas sacramentorum, ibi vel in missis vel in aliis officiis quidquam dicatur

irritum. Queramus ergo quod sonet hoc nomen *irritum*, et hoc aliud nomen *integrum*, quoniam videtur quibusdam hæc duo nomina significativa esse quasi rerum contrariarum, quæ de uno eodemque subjecto non possunt pariter enuntiari. Sic album et nigrum, dulce et amarum, et alia nomina rerum contrariarum non sibi pariter convenient circa unum idemque subjectum. Nos autem de uno eodemque subjecto, videlicet de uno eodemque aliquis excommunicati vel damnati hæretici sacramento enuntiamus, utrumque scilicet quod sit integrum et tamen irritum, quoniam, affirmante Augustino, ubi de Agar et Ismael disputat, idem sacramentum in hæretico et catholico constat, æque integrum, si tamen ritu ecclesiastico fuerit utrobique celebratum, accedente verbo ad elementum, sicut Isaac et Ismael pariter de semine Abrahæ natis, quantum ad paternum semen par fuit nobilitas nativitatis.

14. Videamus ergo an sacramentum utrobique integrum, sit etiam utrobique ratum. Quod ut possimus videre, libet utriusque nominis, rati scilicet et integri, quasi quamdam descriptionem ponere. Totum integrum dicimus, cui nulla principalis pars constitutiva deest. Verbi gratia, cum doinui neque tectum, neque parietes, neque fundamenta desunt, **B** integra domus dicitur: si vero aliquid horum desit, non dicetur domus *integra*, imo nec dicetur omnino domus. Ratum vero id dicimus, quod firmum et virtute ac viribus plenum significamus, et irritum quod a virtute vacuum viribus carere demonstramus. Item ratum non incongrue dicimus, quod virtutem quam continet nunquam amittere posse significamus, ut, verbi gratia, propositio vel oratio aliqua talēm continens vel significans veritatem quæ impermutabilis est, cum vel affirmat esse quod potest non esse, vel e converso, potest dici rata oratio, potestque proprie dici oris ratio. Dicitur namque ratio ab eo quod est ratum, quanvis et falsa oratio dicatur oratio, quæ tamen ratum, id est firmum seu verum non generat intellectum, et ideo recte sicut falsa, ita et irrita recte dici potest oratio, quæ rato et vero intellectu caret, quia videlicet aliter est in re quam ipsa significat esse. Exemplum ad ea quæ dicimus hoc sit. Si quis proponat *Deus verax est* (*Joan.* iii, 33): hæc propositio tam vera est atque tam rata, ut omnis qui acceperit ejus testimonium, subscribere ac signare possit quia *Deus verax est*. Quod enim veraces homines dicunt, verum esse volunt, quod autem non solum dicunt, sed etiam scribunt fortius atque durabilius verum esse innuunt: quod autem dictum et scriptum signant aliquo inviolabili sigillo verum durare volunt sub ipso signaculo. Unde *Joannes de Christo loquens*: *Qui accipit, inquit, ejus testimonium, signavit quia Deus verax est* (*ibid.*). In quo verax, nisi quia sicut locutus est ad patres nostros Abraham et semini ejus in sæcula, sic fecit, et facit, et faciet in sæcula? In quo verax, nisi quia mittens incarnari Filium suum, visitavit et fecit redem-

C ptionem plebis suæ, et erexit cornu salutis nobis in domo David pueri sui, non alio modo, non alio tempore, non alia de tribu, non alio in castello, nisi per Virginem in plenitudine temporis, de tribu Juda, in Bethlehem castello David, sicut locutus est per os sanctorum, qui a sæculo sunt prophetarum ejus? Itaque testimonio Christi suscepto recte quod credimus in corde scribimus, et scriptum signamus, hoc scilicet quia Deus verax est. Hæc enim propositionis non solum *integra*, sed etiam *rata* est. *Integra* nimurum, quia nulla principalis pars constitutiva deest in hac oratione; nam, quemadmodum domus principalis constitutivæ partes sunt *tectum*, *parietes*, *fundamentum*; quarum partium si vel una defuerit, domus non *integra*, imo nec *domus* erit; ita orationis vel propositionis principales constitutivæ partes sunt *nomen* et *verbum*, quorum si alterum defuerit, *propositio* vel *oratio* *integritate* carebit. De tali autem oratione agendo, quam dialectici enuntiativam dicunt, nomen et verbum large accipimus, cum nomine pronomen, cum verbo partici-**D** piū comprehendendo, ut in tanto negotio, tantilla determinatione, quasi modico flabello sophismatum importunas muscas abigamus. *Integra* ergo non erit *oratio* *carens nomine cum verbo*, imo non erit *oratio* *dicenda*, cui deest pars orationis principalis et *principaliter* constitutiva. Sed ista *oratio Deus verax est*, omnino est *integra*, quia non caret aliqua parte *principaliter* constitutiva, licet careat secundariis partibus orationis, *conjunctione*, præpositione ac cæteris, quarum absentia vel subtractione non diminuit *integritatem* orationis, id est non destruit orationem, quo minus oratio sit, sicut nec paxilli vel tegule subtractio domum destruit. Ignoscere, lector, tandem talibus nugis immoranti, quoniam ea quæ dicimus notata valent nobis ad demonstrandum *integritatem* cujusque sacramenti.

15. Dicamus item: *Deus verax est*, est oratio *integra*; *integra*, inquam, nulla carens parte *principaliter* constitutiva. Sed si solummodo esset *integra*, non etiam *rata*, nequaquam esset juxta consilium Joannis Baptiste signanda, sed exsufflanda, quantum esset *integra*. Est autem hæc *oratio* ita *vera* et *rata*, quod possibilius est *cœlum* et *terrani* in *nihilum* redigi, quam hanc orationem irritantili; quod enim significat ita *verum* est, ita inviariabiliter existit, ut nunquam non esse possit. Proponat alius: *Diabolus verax est*. Et hæc *oratio* *nihilominus* est *integra*, ex nomine scilicet et verbo constituta; sed nequaquam est *rata*, quoniam sæpe est falsificata, licet interdum et diabolus *vera* dicat, seu verisimilia, ut persuadeat ea quæ omnino falsa sunt. Dicimus ergo *secure*, quoniam hæc *propositio*: *Diabolus verax est*, omnino est *irrata* et *falsa*, inanis et a veritate vacua, suffragante nobis *testimonio* *Veritatis* de ipso diabolo testantis, *quia mendax est ei pater ejus* [*mendacij*] et *quia in veritate non stetit* (*Joan.* viii, 44).

16. Ut igitur ad rem de qua sermo est redeamus

unumquodque sacramentum est quasi quoddam totum integrum; habet enim partes constitutivas, quando accedit verbum ad elementum et sit sacramentum. Verbi gratia, cum baptizatur aliquis, hoc verbum: *Ego baptizo te in nomine Patris et Filii et Spiritus sancti*, accedit ad aquæ visibilis elementum, et sit invisibilis gratiae sacramentum, de verbo audibili et aqua visibili tanquam de partibus principaliter constitutivis perfectum. Nam cæteræ precessæ quæ illa iam dicta verba præcedunt vel sequuntur, et cætera quæ præter elementum aquæ illuc adhiberi solemne vel usitatum est, ut oleum seu chrisma quod baptismō permiseri solet, aliaque hujusmodi non sunt principales vel constitutivæ partes baptismatis sacramenti; sed solum, ut dixi, hoc verbum: *Ego baptizo te in nomine Patris et Filii et Spiritus sancti*, rite accedens ad elementum aquæ constituit sacramentum integrum, sive in Ecclesia, sive extra Ecclesiam sic celebretur ita perfectum. Ilæc verba visibili aquæ adlibenda non ab apostolo aut propheta sunt ecclesiæ tradita; sed desuper contexta, textrice ipsa Dei sapientia, sicut et illa verba quæ super elementum panis et vini effusa conficiunt corpus et sanguinem Christi, sunt contexta per totum. A solo enim Christo exordium habuit utraque traditio, tam baptismū perficiendi, quam corpus et sanguinem ipsius conficiendi, per illa nimis verba quæ de ipsius Christi ore suæ primum prolatæ, vel ubi baptismū instituit dicens: *Ite, docete omnes gentes, baptizantes eos in nomine Patris et Filii et Spiritus sancti* (*Matth. xxviii, 19*). Vel ubi corpus et sanguinem suum de pane ac vino consecit, et discipulis suis ut id ipsum facerent præcepit, dicens: *Hoc facite in meam commemorationem* (*Luc. xxii, 19*). Quæ autem vel in baptismi vel in missæ celebrationē huic traditioni, huic verbo consuimato per Christum et abbreviato superadundunt, non magis perimunt integritatem sacramentorum si prætermittuntur, nec perficiunt si adduntur, quam orationem ex nomine et verbo constantem perimunt seu perficiunt reliquæ orationis partes appenditiae, demptæ vel additæ.

17. Cogimus enim nunc talium quoque nomeniarum uti similitudine. Olim quippe non tanto exterioris apparatu decoris missarum solemnia celebrabantur, nec ab uno quolibet hæc omnis religiosi obsecrari gratia consummata et perpolita est. Pontifices namque sacri splendida Romanae sedis luminaria sicut diversis temporibus affulserunt, ita paulatim studii sui claritate venustatem hujus salutaris officii perfecerunt; et sicut traditum a Domino per Moysen sacrificii veteris ordinem præcipue David et Salomon sacerdotum et levitarum ministerio, canitorum multiplici numero, psalmorum divinorum tripudio, templi vel altaris illustri gloria, sacrorumque multitudine vasorum splendidius amplificaverunt; sic traditum a Domino mirabile novi sacrificii ritum per primos apostolos sancta Romana Ecclesia suscipiens, religiosa fide amplexata est, fidelis

A cura conservavit, diligenti apparatu exornavit, proferens de thesauro suo nova pietatis monumenta, quoddam velut ex auro lapidibusque preciosis relijiosi officii sancto sacrificio fabrefacti diadema, dum alius Romanorū pontificum antiphonam ad introitum, alius *Kyrie eleison*, alius *Gloria in excelsis Deo*, atque alius aliud in missa instituit canendum vel dicendum: non quidem ad augendum illud unicum sacramentum, sed ad ornandum ejusdem sacramenti cultum divinissimum et ad venerandum singulare sacrificium a Christo apostolis et per apostolos nobis traditum. Neque enim sanctius hinc est quam erat prius, cum ad sola verba Domini solamque orationem Dominicam consecratur; sed maxime decuit, ut fides quæ adhuc erat B illo tempore rudis, et ut ait quidam tam doctus quam fidelis, agresti turbida cultu, nuda humeros, intensa comas, exerta lacertos, ubi ornari potuit, maxime in hac parte tanquam in capite suo deauraretur, et quasi murenulis aureis vermiculatis argento decenter ornaretur.

18. Igitur, quamvis, ut dixi, nec talibus præmissis minuatur integritas sacramenti a Christo constituti, tamen si quis ea temerarius decerpere, quæ Dominicis verbis Patres sancti addiderunt, parificandus esset militibus vestimenta Christi scindentibus et dividentibus. Illa vero Dominicæ verba desuper contexta per totum, ubi Christus inducit ore proprio loquens et dicens: *Accipite et mandate ex hoc omnes: hoc est enim corpus meum. Accipite et bibite ex hoc omnes: hic est enim calix sanguinis mei*, etc., usque hoc facite in meam commemorationem (*Luc. xxii, 19*): illa, inquam, verba super panem et vinum fusa, quibus accendentibus ad panis et vini aqua misti elementum sit sacramentum, similitudinem repræsentant illius tunice desuper contextæ, quain neque ipsis Christi crucifixoribus licuit scindere. Hoc est verbum brevians et consummans totam integritatem, quæ est in panis et vini sacramento, si eidem, cui ex Christus adhibuit, adhibita fuerint elemento, ritu videlicet ecclesiastico, quem traditum scimus ab ipso Christo. Quod si vel baptizans aliquis vel sacrificans aliquis traditionem Christi derelinquat, ita ut in perficiendis sacramentis alias elementorum species quam eas quas Christus instituit abhiebat, vel verba ipsa ipsius Christi prætermittat et contemnat, hic non perficit integritatem sacramenti: imo quod agit non magis habet nomen sacramenti, quam illa res nomen potest domus habere, cui constiterit vel tectum vel parietes vel fundamenta deesse. Posset autem domus esse cui pictura parietum, vel clavi tegularum, ve carera talia deessent: posset quoque oratio consistere, cui contingere omnes partes orationis deesses praeter nomen et verbum: subtracto autem nomine et verbo, non esset unde constitueretur oratio. Sic in celebrando baptismi vel missæ officio interdum quedam subtrahuntur, quæ a sanctis Patribus apposita noscuntur, ut cum periclitantem infante

baptizamus, et sola ibi verba unius trini nominis recitamus, vel cum interdum *Gloria in excelsis* et *Credo in unum prætermittimus*, et tamen integratatem sacramenti perficiimus. At si baptizantes unam saltem personam de tribus personis nominare contemnamus, vel sacrificantes et omnia quæ a sanctis Patribus apposita sunt recitantes, Christum in coena sua loquentem non introducamus, non potest nominari sacramentum quod agimus. Hinc est quod sancti Patres etiam in hæresi ab hæreticis in nomine Patris et Filii et Spiritus sancti baptizatos prohibent rebaptizari, agnoscentes in eis characterem Christi, id est integratatem sacramenti. Ab his autem hæreticis baptizatos, qui non baptizabant in nomine Patris et Filii et Spiritus sancti, censuerunt non tam rebaptizandos, quam ex integro baptizandos, quia non reputatur baptismi sacramentum, ubi secundum ritum divinitus traditum invocatio trini nominis non sit super aquæ visibilis elemenatum.

19. Donatistæ autem et alii multi hæretici sacramenta divina ritu ecclesiastico celebrabant: et ideo beatus Augustinus violenter decertat in quibusdam scriptis contra rebaptizatores a talibus baptizatorum, et contra reordinatores a talibus ordinatorum; integratatem, inquam, non utilitatem talium sacramentorum defendit quia extra ecclesiam ea posse quidem inesse, sed non posse prodesse contendit, et multis orationibus ostendit. Multi tamen scripta ejus negligenter legentes, ubi integratatem et formam sacramentorum tam extra quam intra vident, parisi cari putant eorumdem sacramentorum virtutem tam intra quam extra ecclesiam æqualiter operari. Quod ille beatus Pater nunquam sensit, quia hæreticorum sacramenta quantumlibet *integra*, tamen probat esse mortua, et omni virtute sancti Spiritus destituta; neque enim hæc sunt contraria, esse aliquid integrum et mortuum, quia sapere vidimus corpus humanum integrum, et tamen mortuum. Sæpe contingit ut palmes abscissus et integer existeret, et tamen vitalem succum non habere. Fieri potest ut manus abscissa formam membra obtineat, sed usum membra non exhibeat. Non ergo beatus Augustinus sibi est contrarius, dum sacramenta hæreticorum defendit *integra* et nunquam reiteranda, quæ tamen probat esse mortua. Dicit enim in sermone de blasphemia Spiritus sancti: « Potest esse visibilis forma palmitis etiam præter vitam, sed invisibilem vitam non potest habere radix nisi in vita. Proinde corporalia sacramenta, quæ portant et celebrant etiam segregati ab unitate corporis Christi, formam possunt exhibere pietatis. Virtus vero pietatis invisibilis et spiritualis ita in eis non potest esse: quemadmodum sensus non sequitur hominum membrum dum amputatur. » Nonne ista dicendo beatus Augustinus probat esse mortua hæreticorum sacramenta; quæ tamen quantum ad extrinsecam formam docet auctoritas Romana redeuntibus ad Ecclesiam non esse iteran-

da; sed sola sancti Spiritus invocatione per manus impositionem confirmanda. Unde Leo papa Nicetas Aquileiensi patriarchæ scribens ita dicit: « Hi qui baptismum ab hæreticis acceperunt, cum baptizati antea non fuissent, sola sancti Spiritus invocatione per impositionem manus confirmandi sunt, qui tantum formam baptismi sine sanctificationis virtute sumpserunt; et hanc regulam servandam ab omnibus Ecclesiis prædicamus, ut lavacrum semel initum nulla ratione violetur, dicente Apostolo: *Unus Deus, una fides, unum baptisma* (*Ephes. iv, 5*), cuius ablutio nulla iteratione temeranda est; sed, ut diximus, sanctificatio sola sancti Spiritus invocanda est, ut quod ab hæreticis nemo accipit, a catholicis sacerdotibus consequatur. » Eant nunc hæretici et glorientur de sacramentorum integritate, dummodo nobis constat eadem sacramenta penitus mortua, penitus extincta. Unde idem Leo papa Leonis augusto de Alexandrinis excommunicatis, et tamen sacramenta ritu ecclesiastico celebrantibus loquens, ita dicit: « Perspicuum est quibus pietas vestra succurrere, et quibus beat obviare, ne Alexandrina Ecclesia, quæ semper fuit domus orationis, spelunca nunc sit latronum. Manifestum quippe est per crudelissimam immanissimamque vesaniam omne illuc cœlestium lumen sacramentorum extinctum; intercepta est sacrificii oblatio, defecit chrismatis sanctificatio, et parricidalibus manibus omnia se substraxere mysteria. »

20. Ecce probavimus mortua et extincta hæreticorum sacramenta, licet nunc eadem affirmare irrita, nisi fuerint per Ecclesiam confirmata. Liceat nos nunc consentire Placentino concilio (can. 2) affirmanti penitus irritum esse, et nullas vires habere quidquid vel in sacris ordinibus vel in ecclesiasticis rebus data vel promissa pecunia, obsequio aut lingua acquisitum est. Quæ synodalis censura etiam eos perculit, qui amissa per aliquod crimen officia reambiverunt, et data vel promissa pecunia, obsequio indebito, aut lingua reacquisierunt.

21. Jam de sacramentis extra Ecclesiam ritu tamquam ecclesiastico celebratis quatuor demonstrata sunt, videlicet quod sunt *integra* quantum ad partes principaliter constitutivas, quod sunt *morta* secundum testimonium Augustini, quod sunt *extincta* secundum testimonium Leonis papæ, quod sunt *irrita* secundum testimonium Placentini concilii. Libet nunc distinguere inter ipsa sacramenta quæ possunt esse mortua, extincta, irrita, et ipsam virtutem sacramentorum, quæ nunquam potest esse mortua, extincta, irrita; sed ubique est viva, lucida et rata est. Est enim distantia non parva in his consideranda, quæ facile videbitur si ipse sacramentorum effectus primo distinguatur. Sacramentorum etenim effectus non est uniformis, quia dicitur sacramentorum effectus passive, ille scilicet quo ipsa sacramenta effici designamus. Dicitur etiam active, ille scilicet quem efficiunt sacramenta. Et

prior quidem effectus in eo consistit, si ritu ecclesiastico integre celebretur, quia si vel in missa vel aliis divinis officiis alio ritu quam eo quem Ecclesia divinitus traditum tenet, quis agat, nequaquam sacramentum illic efficitur, sicut illi hæretici fecerunt, qui non in nomine Patris et Filii et Spiritus sancti baptizaverunt; et ideo pro sacramento baptismi non est habitum quod fecerunt. Et qui de talibus resipuerunt in Ecclesia catholica, tanquam nunquam baptizati ex integro baptizati sunt; qui autem foris ritu ecclesiastico sunt baptizati, ad ecclesiam venientes per manus impositionem sunt confirmati, utpote habentes in se illum effectum sacramenti, quo sacramentum potuit etiam extra ecclesiam effici. At ille activus effectus quem agunt et efficiunt sacramenta, non est nisi in catholica Ecclesia. Et prior quidem effectus oculis et auditu discernitur, quoniam de verbis audibilibus et speciebus visibilibus ipsum sacramentum, id est rei sacræ signum perficitur. Activus autem sacramentorum effectus quem sacramenta efficiunt solis fidei oculis cernitur. Cum ergo multiplex intellectus generetur, si absque determinatione sacramentorum effectus nominetur, veniam postulo quod necessitate coactus, passivum et activum sacramentorum nomino, more hactenus inusitato. Neque enim omnes vocum novitates, sed profanas tantum Apostolus cavendas dicit; non est autem profana vocis novitas, qua ex primitur non nova rerum veritas. Licuit, semperque licebit rei veritatem utcunque aptatis nominibus quæ modo nihil erroris inducerent proferre, sicut sancti Patres in Nicæno concilio fecerunt, qui urgente necessitate nomen novum *omousion* in symbolo recitari fecerunt, quo tamen nomine rem non novam expresserunt. Sic et nos urgente necessitate cogimur sacramentorum effectus in re multum distinctos etiam nominibus distinguere, ut evidentius pateat, quo sacramentorum effectu dicimus hæreticos carere. Sicut enim apostoli cum vidissent in nomine Domini quemdam dæmonia ejicientem et ipsos non sequentem, et hunc prohibuissent, inde sunt a Christo redarguti, quod in eo in quo erat secum prohibuerunt eum, quem potius debuerant invitasse ad sequendum ipsum, in cuius nomine fecit signa virtutum, sic et nos argui possemus, si hæreticos in eo increparemus, in quo nobiscum agunt, et interdum dæmonia ejiciunt, videlicet cum baptizant infantes, vel alios errores in quo ipsi sunt excusabilius ignorantes, vel etiam eos qui urgente mortis articulo non valentes habere catholicos baptizatores, accipiunt per hæreticos, quod malling accipere per catholicos. Quibus ita baptizatis, quoniam corde non abnegant virtutem pietatis, non inaniter credendum est, inesse ipsum sacramentum pietatis. Hoc intuitu prænotatum Placentinum concilium (can. 3) a Simoniacis hæreticis non Simoniace ordinatos judicat misericorditer tolerandos; si tamen probare potuerint se, cum ordinarentur, suos ordinatores nescisse Simoniacos; et si tunc pro Catho-

A licis habebantur ipsi ordinatores, et si ipsos ordinatos laudabilis vita commendat. Si ergo utcunque toleramus a talibus ordinatos per jam dictas causas excusatos, multo magis per ignorantiam vel necessitatem a talibus baptizatos, et errori eorum in nullo consentaneos Ecclesia catholica suos potest recognoscere filios; si tamen errore talium baptistarum agnito hæresim detestari et catholicam veritatem et pacem voluerunt sectari.

22. Igitur Simoniacos et alios hæreticos in nomine Domini signa facientes, videlicet sacramenta quæ sunt rerum sacrarum signa, non sic facere prohibemus, sicut faciunt, quoniam nobiscum faciunt; sed ibi facere ubi faciunt, quoniam extra ecclesiam signa faciendo nobiscum non colligunt. Et quia ipsis eorumque pravitati consentaneis una cum ipsis anathemati subjacentibus nullus provenit iusmodi signorum usus, eos familiariter monemus, ne gloriantur in signis, quemadmodum gloriabantur magi Pharaonis, quoniam digitus Dei nusquam operatur nisi in Ecclesia Dei, nec in ipsis eorum baptizatis vel ordinatis, quidquam per eos operatur, nisi cum eorum animus ab Ecclesia catholica non esse disjunctus probatur, et vel per infantilem vel aliam invincibilem ignorantiam seu etiam per mortis articulum excussatur, quæ tamen excusatio non ut in baptismō, sic etiam in alio quolibet reperitur sacramento. Unde sanctus Joannes Alexandrinus dicit inter cetera: « Baptismus a quovis hæretico vel facinoroso suscipi potest, si in nomine Patris, et Filii, et Spiritus sancti baptizari potest. Pœnitentia autem a nullo nisi a Catholicō suscipienda est. » Et post pauca: « Si nullus catholicus sacerdos vel bonus vel facinorosus adfuerit, rectius est sine communione manere visibili et invisibiliter a Domino communicari, quam ab hæretico communicari et a Christo separari. Nulla conventio Christi ad Belial, ait Apostolus, nulla pars fidelis cum infidelī (II Cor. vi, 15). Omnis hæreticus infidelis est; Simoniacus autem est hæreticus, igitur infidelis est. Sacram communionem Christi quamvis visibiliter et corporaliter catholici propter inimicentes hæreticos habere non possunt, tamen dum mente et opere Christo conjuncti permaneant, sacram Christi communionem invisibiliter habent, sicut plurimi sanctorum, qui remoti in eremo a nullo vel viventes vel morientes videbantur, quos tanto magis credimus conjunctos esse Deo, quanto disjunctos hominibus. » Item testimonium ejusdem: « Nullatenus, ait, aliquando hæreticorum communione, imo coinqinatione participemini, etsi in omni vita vestra ex aliqua impulsione vel necessitate communionem catholicæ Ecclesiae non invenientes, sine communione permanseritis. Si enim uxorem corporalem legitime possidentes, si in regione aliqua longinqua ab eiusa muliere tempore multo morantes, relinquere hanc mulierem et alii copulari a Deo et legibus prohibemur; si vero egerimus, punimur, quomodo

putas Deo per rectam fidem et catholicam Ecclesiam conjuncti, ut ait Apostolus : *Aptavi vos univiro virginem exhibere Christo* (*II Cor. xi, 2*), si orthodoxam Ecclesiam et sanctam fidem adulteraverimus per communionem haereticorum, non in futuro tormenti, quod exspectat haereticos, erimus participes? Communio enim dicitur eo quod communem faciat, et firmat communicantem quibus communicat. Ne igitur, quæso, ait o filii, hujuscemodi oratoriis applicetis. » Hoc ultimum de oratoriis quæ dedicaverant haeretici dictum inde colligimus, quod eumdem Joannem alias de catholicis ecclesiis dixisse invenimus. Ecclesiæ catholicae quamvis ab haereticis invasæ sint, tamen ingredi ad orationem nullus timeat, quia, quamvis carnifices membra Christi vulneraverint, et vestimenta diviserint, tamen sanctissima remanserunt in semetipsis.

23. Nunc ad intermissa redeamus, et sacramentorum effectus supra distinctos adhuc plenius distinguamus. Ille quidem sacramentorum effectus, quem diximus passivum, semper est uniformis, et tam extra quam intra ecclesiam unius institutionis vel constitutionis quantum ad partes principaliter constitutivas, nam in secundariis et appendiciis partibus modus est interdum varius, et multisarius, prout singularum ecclesiærum est usus. At principali sacramentorum constitutione semper modus est unus et uniformis in omnibus ecclesiis, Graecis et Latinis. Nam in eo quod Graeci fermentatum panem offerunt, principalem Christi constitutionem non omittunt, quam tunc omitterent, si aliud quam panem offerrent : verbi gratia, caseum vel tale aliquid quod Christus non obtulit. Et ideo quanvis rationabilius facerent, si azymum panem offerendo sanctæ Romanæ Ecclesiæ concordarent : eorum tamen fermentatum sacrificium diu toleravit Ecclesia, non cum negligentia, sed adhibita per multos multa diligentia, ut Graeci concordarent cum Romana Ecclesia. Inde (167) Leo VIII hujus nominis papa a beato Petro CXLVIII contra Michaelem Constantinopolitanum patriarcham egregiam conscripsit epistolam, defendens consuetudinem Romanam sinceram, et institutioni Christi magis consonam. Sed tamen Graeci perseverant in sua consuetudine, non discordantes a nobis in principali sacramento rum constitutione. Similiter inter ipsos Latinos, cum aliqui discrepant in eo quod cum pene omnis Ecclesia teneat Gregorianum ordinem; ipsi adhuc tenent Ambrosianam institutionem, in principali tamen sacramentorum constitutione adeo sibi concordant omnes Ecclesiæ, ut etiam haereticorum nullus eam audeat mutare, atque si quis eam permutteret, scilicet vel aliud offerens, vel in alio liquore baptizatus, vel aliud inter offerendum, aut baptizandum recitans, quam habet ecclesiastica traditio, nullatenus quod agit reputetur pro sacramento. Sunt igitur inviolabilia sacramenta, quo-

A niam ubique sunt, eadem sunt; et semel imposita, nunquam aboleri possunt. Neque enim cum ordinati vel baptizati excommunicantur, sacramentis quæ ritu ecclesiastico suscepunt, nullatenus privantur, sed permanent in eis ordinationis vel baptismi sacramenta, quamvis mortua, quamvis extincta, quamvis irrita, id est nullius virtutis aut salutis effectiva. Speciem ergo solam pietatis quam habent hi tales baptizando conferunt; sed quam non habent virtutem ejusdem pietatis, conferre non poterunt, maxime his qui suis erroribus consentiunt, et ab Ecclesia dissentunt, vel in eo quod eorum interdicta sacramenta scienter suscipiunt. Quapropter tales qui a talibus baptizati, quando ad catholicam Ecclesiam redeunt, non eis repetitur lavacrum carnis; sed ut perficiatur quod deest, inseruntur catholice matri, ut per ejus reconciliationem Spiritus sancti gratiam percipere mereantur. Nam in illa sola Spiritus sanctus datur, quia videlicet in scissura mentium Deus non est: sed in unitate et pace, quæ perfectionis vinculum est. Et hi quidem tamen minus legitimo procreati, tamen reputantur filii, nam et ex omni tribu filiorum Israel numerati sunt filii Deo cogniti, ubi signantur servi Dei nostri in frontibus suis, scilicet tamen ex tribu Gad et Aser, qui de illa nati sunt, quam ex tribu Juda et Joseph, qui ex legitimis conjugibus orti sunt. Verumtamen si ante legitimæ matris reconciliationem de hac luce subtrahentur, cum Ismaele de domo et haereditate paterna ejecti, nequamquam inter haeredes regni Dei reputarentur, diciente matre libera: *Ejice ancillam et filium ejus: non enim haeres erit filius ancillæ cum filio meo Isaac* (*Gen. xxi, 10*). Quod beatus Augustinus exponus ait: « Ecclesia dicit: Ejice haereses et filios earum; non enim haeredes erunt haeretici cum catholicis. Sed quare non erunt haeredes? nonne de semine Abraham nati? et quomodo baptismum habent, baptismum haeredem faceret semen Abraham, nisi ab haereditate superbia excluderet. Eodem vero verbo nasceris, eodem sacramento; sed ad eamdem haereditatem vitæ æternæ non pervenis, nisi ad Ecclesiam catholicam reversus fueris. » In his dictis beati Augustini ac ceteris ejus scriptis diligenter perspectis facile notatur, quem sacramentorum effectum ipse astruat apud homines esse perfectum, nempe non alium, nisi quem nos dicere possumus passivum. Quo nomine notamus non eum effectum quem efficiunt, sed quo efficiuntur sacramenta, ut sint sacramenta, id est rerum sacrarum signa, sicut aqua baptismi signum est Spiritus sancti, vel sicut oleum sanctum in ordinatione pontificis signum est Spiritus sancti, vel sicut panis et vinum sacrificatum unitatis est signum, in eo scilicet, quod sicut unus panis ille de multis confectus est granis, et sicut vinum illud de multis confluit acinis, sic Ecclesia de multis hominibus

una consistit per fidei unitatem. Significari autem A pane illo uno unam Ecclesiam dicimus, non in eo quod offertur et consecratur; sed in eo quod de multis, ut dictum est, conficitur granis. Nam in eo quod consecratur nec ipsum individuum corpus Domini significat, sed est corpus Domini transuso in se Dei Verbo per fidem passionis, resurrectionis et ascensionis. Dominus enim non hoc significat, sed *Hoc est corpus meum* (*Matth. xxvi, 12*), inquit. Ergo panis ille aliud est, aliud significat. Nam est corpus Domini, significat autem unam Ecclesiam, quæ licet et ipsa sit corpus Domini: aliud est tamen corpus Domini redimens, aliud corpus redemptum. Aliud est corpus Domini, quod est etiam, Dominus, de quo Maria loquens: *Tulerunt Domini meum*, inquit, et nescio ubi posuerunt eum (*Joan. xx, 13*); aliud corpus Domini, quod non potest Dominus vel Deus nominari, quanquam sit corpus Domini. Corpus Domini quo redimimur, est ipsum individuum corpus, de quo dixit Christus: *Hoc est corpus meum, quod pro vobis et pro multis tradetur in remissionem peccatorum* (*Matth. xxvi, 28*). Corpus vero Domini quod est Ecclesia, non est unum individuum corpus, nec est corpus redimens, sed est per unam fidem unum corpus, et corpore Christi redempta, una in multis individualibus vel personis Ecclesia. Hanc Ecclesiam panis sacrificii significando, est et dicitur sacramentum, id est sacre rei signum. Unitas enim Ecclesiae res sacra est, quam panis ille in eo significat quod de multis granis confectus est, et unum quid effectus. Hoc idem cum in quolibet pane possit significari qui de multis granis conficitur, aptius tamen hanc significacionem quasi rei sacræ signum et quasi sacramentum, imo vere sacramentum in illo pane Ecclesia sancta veneratur, qui sacrosancto altari adaptatur, et super quem verbum Christi secundum ritum Ecclesiae recitat. Quod quia tam hæretici quam catholici, qui tamen ritu ecclesiastico sacrificant, uno eodemque modo recitant, æquilaterum sacramentum, id est rei sacræ signum tam hi quam isti repræsentant. Quod enim significat panis a catholico sacerdote oblatus, hoc significat panis ab hæretico et simoniaco sacerdote secundum ritum Ecclesiae oblatus. Et miro modo etiam significat panis ille unitatem, ubi constat non esse ipsam Ecclesiae unitatem. Unitas enim Ecclesiae nequam potest intus et extra esse; sed in una Ecclesia est unitas indivisa. Signum vero vel sacramentum unitatis etiam extra unitatem potest esse; sed ipsa unitas, ut dixi, extra semetipsam non potest esse, nec potest quisquam indivisibilem unitatem dividere. Cum ergo signum unitatis est præter unitatem, ad quam significandam fuit institutum, habet quidem suimet effectum ipsum sacramentum, quem supra diximus effectum passivum; sed non habet effectum, quem dicere possumus activum; quoniam ipsum quidem sacramentum efficitur vel conficitur, dum verbo accidente ad clementum sa-

A cræ rei signum perficitur; sed quia sacra res illic deest, non efficit suos effectus ipsum sacramentum. Quomodo enim corpus absque anima nihil operatur, sic sacramentum unitatis absque unitate suos effectus non operatur. Nam sicut corpori ut aliquid operetur, anima cooperatur; sic sacramento unitatis, ut aliquid operetur, ipsa unitas cooperatur; et sicut corpus est vivum habens in se vivificantem spiritum, eoque subtracto, est mortuum; sic sacramentum unitatis vivit, si ipsum in unitate et unitas in ipso consistit, et ab unitate sejunctum penitus est mortuum, et ad eos effectus quos efficeret deberet invalidum.

B 25. Cooperante namque unitate, sacramenta non-nihil efficiunt, quia operantur in creaturis triforme opus creatoris, id est sanctificationem, permutationem, salutem. Sanctificationem etiam in rebus inanimatis, ut in chrismate vel in templo manufacto, quæ per verba alia sacrarum rerum signa sanctificantur. Permutationem, ut in pane et vino, quæ dum sacrificantur, in aliud permuntantur. Salutem, quia fideles digne sacramentis participantes, et in unitate perseverantes, per ea salvantur. Hæc autem omnia, videlicet sanctificationem, permutationem, et salutem operatur in sacramentis et cum sacramentis unus atque idem Spiritus, circa ipsas creature quæ sanctificantur, permuntantur, et salvantur, per Dominum nostrum Jesum Christum, cui tanquam vii palmites adhærent catholici sacramentorum celebratores; quandiu enim per unitatem fidei magistro concordant veritatis, unitatis vinculum servantes, id ipsum sentiendo omnes in Christo manent, et singuli de spiritu ejus viventes, internæ viriditatis gratiam habent, vivitque in salutem communicantium illis, quodcumque celebrant sacramentum in Ecclesia Christi. Christus namque in eis loquitur, et quidquid ab eis fit, ab eo factum et Spiritu ejus confirmatum esse recte creditur; etiam si in moribus suis reprehensiles inveniantur, dummodo in unitatis compage maneant, et uni viti quæ Christus est inhærent. At vero ubi dissidentes seseque per hæreses et schismata ab unitate Ecclesiae dividentes, a Christo præsidunt, mortuum est omne eorum verbum et sacramentum; et quidquid agere videntur, irritum; quidquid sanctificare putantur, pollutum est.

C D 25. Eant igitur et fructum ferre gestiant, plantaria mortis et surculi æternis ignibus deputati, Simoniaci conductores et conductitii cæterique negotiatores, flagello dominico ejecti de domo Dei, et omnes hæretici et schismatici ab unitate præcisi, et ideo penitus infructuosi. Nam quidquid apud eos agitur, quodcumque quasi sacrum vel sacramentum celebratur, tam vere verbo vitæ et spiritu veritatis caret, quam vere palmes; nisi manserit in vite fructum ferre non potest, quam vere manus abscissa a corpore vivere vel operari non potest. Igitur cum in omnibus gestis et dictis in quibus testimonium Christi recipimus, hoc oporteat notari

et signari, quia Deus verax est : hoc ejus testimoniū tanquam a Deo, tanquam a veracissimo teste prolatum diligenter est notandum et inviolabili fidei signaculo signandum, ubi ait : *Manete in me, et ego in vobis ; addidicte : sicut palmes non potest ferre fructum a semetipso, nisi manserit in rile ; sic nec vos, nisi in me manseritis (Joan. xv, 4)*. Illoc veracis Dei testisque fidelissimi verum testimoniū non solum contra hæreticos atque schismaticos, sed etiam contra quoslibet præsumptuosos est caute signandum, et memori semper in pectore gestandum. Quis enim vitis et palmītū ejus nesciat unitatem ? quandiu palmites in vite manent, tāndiu ascēdentes per venas intinas genuinū radicis ejus humorem bibunt, et vivunt, florentque, et flores fructus parturiunt. At vero si de vite palmes excisus fuerit, jam boni succi ejus particeps esse non potest ; sed nec vivit nec usum habet alium, nisi ut in ignem mittatur et ardeat. Itaque, o hæretici atque schismatici ab Ecclesiæ corpore vos præscindentes, et propriis adinventionum vestrarum sarculis præcisi, nolite putare, quod vitalem fructum ferre possitis. Itemque et vos præsumptores et nimii assertores liberi arbitrii, qui vos putatis non indigere auxiliantis et miserantis gratia Dei tanquam volentes et currentes vestra velocitate vita sempiternæ fructum comprehendere possitis : scitote vos horrenda manu agricolæ tollendos et in ignem mittendos, nisi omnem pulchritudinem, omnemque fructuum venustatem, non ex vobis, sed ex vitis intima radice procedere confessi fueritis. Dicit enim fidelis et verax testis noster : *Qui manet in me et ego in eo, hic fert fructum multum, quia sine me nihil potestis facere (Joan. xv, 5)*. Plane nihil, quia peccatum nihil est, quod solum sine ipso facere possumus. Non enim est peccatum ulla substantia, sed corruptio substantiæ. Similiter mendacium prōnibilo est habendum. Est namque mendacium quo id significatur esse quod non est, vel non esse quod est. Unde cum audimus mentientem, solemus dicere : Nihil dicens, quod idem est, ac si dicamus : Non est quod dicens. Non est ita in rerum existentia, sicut significant verba tua ; et ideo recte mendacium nihil dicitur, quia non habet ubi subsistat, ejus existentia subtracta vel denegata illi re significata. Sic postquam Christus natus est, cuius nascituri signum erat circumcisio, Apostolo affirmante : *Circumcisio nihil est (I Cor. vii, 19)*, id est falsum signum est; quod illo signo significatur futurum, jam est præteritum, nato Christo de semine Abrahæ, cuius futuræ nativitatis erat signum verum ipsa circumcisio propterea posita in illa corporis parte per quam semen traducitur, ne dubitaretur de semine Abrahæ nasciturus, qui ad bencidendas omnes gentes fuit Abrahæ promissus. Quo nato ; quicunque se circumcidit nihil facit, quoniam, teste Apostolo : *Circumcisio nihil est, et præputium nihil est, sed observatio mandatorum Dei*

A (*I Cor. viii, 19*). Simili modo qui sacramenta Ecclesiæ data extra Ecclesiam celebrat, nihil facit, quia ibi signum rei sacrae adhibet, ubi res sacra esse non potest. Ibi exhibet signum sanctificationis, ubi nihil sanctificatur : et ideo signum vel sacramentum illud nihil est. Verum ergo Veritas dicit : *Quia sine me nihil potestis facere (Joan. xv, 5)*. Hoc enim Veritatis testimonium est adeo verum, ut nihil sit apud ipsum sacramentum, id est ipsum sacrae rei signum, cuius exhibent speciem palmites præcisi ; sed speciem omni fructu, omni virtute, omni veræ vitis viriditate ac succo carentem : et ideo Judæorum qui blasphemant Christum circumcisioni per omnia consimilem. Nam sicut Judei blasphemant Christum, et tamen portant signum nativitatis ejus indicativum, sic hæretici et maxime, ut præostensum est, Simoniaci blasphemant Spiritum sanctum, et tamen celebrant signa Spiritus sancti operationem et virtutem significantia.

B 26. Memorem volumus esse lectorem, quia ut superius determinavimus, non nisi de manifestis et indubitatibus atque synodaliter damnatis hæreticis agimus, illosque tantum Simoniacos quasi reos concilio in sanctis conciliis damnatos asserimus, quos in felle amaritudinis et obligatione impietatis per hoc esse constiterit, quod eorum Simonia indubitate cernitur, et ob hoc eorum officium a Romana sede interdicuntur. Ubi enim Simoniaci vel cæteri hæretici sic latent, ut pro catholicis a catholicis habeantur; non eos judicamus reos concilio; sed arbitramur eos reos judicio, sicut eum qui fratri suo irascitur, dicimus reum judicio, judicio vide-licet, non humano, sed divino, ad quem spectant omnia quæ sunt in occulto. Quod ergo de occultorum hæreticorum sacramentis rei veritas habeat, illius judicio servandum putamus, qui si etiam per tales necdum aperte seclusos aliquid virtutis et salutis operatur, magna in hoc ejus pietas commendatur. Si autem Spiritus sanctus, qui indisciplinatum in sacramentis fugit apertum hæreticum, etiam disciplinæ fugiet sicutum, id est occultum hæreticum, lupum videlicet ovina pelle vestitum, quis ei dicere audebit : Cur ita facis? Credimus tamen fidèles Christi, qui istos latentes hæreticos ignorant, et corum sacramentis in fide Christi communicant, non fraudari munere Christi et operatione Spiritus sancti, qui sicut vult spirat : ita et per quos vult spirat, etiam per consimiles Caiphæ interfectori Christi : qui cum jure sint damnandi, habent tamen exemplo ipsius Caiphæ potestatem etiam ipsum Christum in suis membris judicandi, cum, ut dixi, deberent potius ipsi a membris Christi dijudicari et damnari. Quandiu ergo Christus in suis membris tales patitur, quasi Caiphas pontifex in domo Dei principatur, cuius familiaritas non magis accepta est veris Christi apostolorumque pedissequis, quam familiaritas Caiphæ accepta fuit ipsis apostolis ; sed inviti tolerant parietem dealbatum, donec Deus per-

cutiat illum. Qui autem cumdem parietem fulciunt, longe a Paulo apostolo dissentunt, qui stans coram quodam tali pontifice, dum ipso præcipiente percuteretur : *Percutiet, inquit, te Deus, paries dealbate* (*Act. xxiii, 2*). Sed hunc parietem dealbatum et quodam justitiæ quasi camento vestitum Deo percutiendum relinquamus; et nos eidem jamjam ruituro saltem latenter subtrahamus, prout possumus, ne si eum velut stipites fulcire nitamur, cum ipse ruere cœperit nos obruamur. Stipites hunc parietem fulcientes sunt clerici valenter litterati, et laici religionis inimici, et omnes ipsorum tales amici, quibus fuit ille amicus pontificis, qui Christum percutiens dixit : *Sic respondes pontifici?* (*Joun. xviii, 22*). Poterat quidem brachium Domini repercutere percutientem, nec eum solum, sed etiam illum quem tam rigidus stipes fulciebat statim subvertere parietem dealbatum, id est ipsius falso pontificem appellatum; sed accepit injuriam, servavit patientiam, nec ullam tam iniqui pontificis captavit erga se elementiam. Sic igitur et nos, opitulante ipso, servemus patientiam, nec ullam iniquorum pontificum captemus clementiam, benevolentiam vel munificenciam, si magis volumus cum Christo salvari, quam inter impiorum pontificum adulatores damnari. Habent isti pontifices Caiphæ consimiles, in cathedra Moysi sedentes etiam in hoc affinitatem cum illo Caipha, quod sicut ille Christum captivum tenuit et occidit, non solum sua lingua, sed etiam Romana manu : ita isti Christum quasi captivum in sacramentis tradunt illis quibus ipse tradi non vult, ut flant rei corporis et sanguinis Domini, non solum dum ipsi sibi mandueant et bibunt iudicium, sed etiam dum his quos usque ad condignam poenitentiam ab ecclesia pellere deberent, ipsum corpus Domini tradunt manducandum et conspuendum, et crucifigendum, quia, testante Apostolo, reatus corporis et sanguinis Domini contrahitur, quando corpus et sanguinis ejus indigne manducatur. At illi manifesti haeretici, præcisi palmites et aridi et omnino mortui, et mortuorum sacramentorum inutiles ministri, nec saltem hoc debent existimare, quod vel illo modo quo eum Caiphas apud se habuit, habeant Christum vel corpus ipsius viviscum, quanquam habeant corporis Domini sacramentum, ut superius est ostensum.

27. Rursum non inde sibi blandiantur, quod si non est Christus in eorum sacramentis, ipsi participando illis, non flant rei corporis et sanguinis Domini. Pari enim vel graviori eos reatu constat astrigi; occisoribus enim ipsius Christi perseverantibus in reatu suo graviter imputabatur ipsa ejus occiso; sed gravius imputata fuisset ipsius Christi divisio, si eum tanquam lanistæ divisissent, et membratim decerpissent, ossaque ipsius confregissent. Hoc autem fieri non decuit, quoniam Filius hominis secundum quod de eo dissimilatum erat, ad Patrem vadens, nihil sibi vel corpori suo paenarum vel injuriarum inferri permisit, nisi quod de eo scri-

A ptum fuit. Unde cum omnia consummata fuissent, quæ de passione ipsius erant scripta, nihil ultra in eum carnifices potuerunt. Verum si divinitus cohierbiti non fuissent, libenter ossa ejus et crura confregissent, et fortasse ita eum dilaniasset ac divisissent, sicut servorum ejus multos legimus dilanitos et membratim discriptos. Sed Scriptura sacra quæ prædicabat Christi occisionem, nusquam prædicabat, immo modis omnibus prohibebat quoque crurum ejus confractiōnem, dicente Dominō per Moysen de Agno paschali in typum Christi : *In una domo comedetur* (*Exod. xii, 46*); quod idem est ac si dixisset : Per diversas domos unus ille Agnus non dividetur; sed in una domo comedetur : *Et os non communietis ex eo* (*Joan. xix, 36*). Culpa ergo malorum indigne corpus et sanguinem Domini accipientium in Ecclesia, judicante Apostolo, est quasi occiso Christi reputanda, quia reum corporis et sanguinis Domini eum esse asserit, qui indigne manducat et bibit. Et est quidem culpa hæc magna, sed a Scripturis non dissona. Haereticus autem vel schismaticus, non tam de Christi occisione, quam de Christi culpatur divisione, pro eo quod contra omnem sacræ Scripturæ auctoritatem Christum conatur dividere, putans illum in diversis ac pluribus dominis comediri posse, cum lex dicat : *In una domo comedetur*. Quanquam itaque nunquam dividatur Christus : tamen hujes divisionis rei sunt in suis cogitationibus, qui contentiose affirmant quod tamen extra quam intra Ecclesiam comedatur paschalis Agnus. Est autem pejor, detestabilior et execrabilior haereticus vel schismaticus ipsis Judæis et milijtibus Christi occisoribus, quia quod per illos non potuit fieri, hoc facere conantur isti; sed frustra, quia ut Christus dividatur, et tam extra quam intra unam domum ecclesie dividatur non concedit sancta Scriptura, sicut evidentissime probant subjuncta Patrum testimonia. Cyprianus in epistola ad Cornelium : « Existimat aliquis summa et magna, aut non sciente Deo aut non permittente, fieri; et sacerdotes, id est Dei dispensatores erunt non de ejus sententia ordinati. Hoc est fidem non habere quia vivimus, hoc est Deo honorem non dare, sed de ejus sententia non ordinantur sacerdotes, qui extra ecclesiam sunt, qui contra dispositionem et traditionem Evangelii faciunt, sicut ipse Dominus in duodecim prophetis ponit et dicit : *Sibimetipsis regem constituerunt, et non per me*. Et iterum : *Sacrificia eorum tanquam panis luctus, omnes qui manducant ea contaminabuntur* (*Ose. ix, 4*). Et per Isaiam Spiritus sanctus clamat et dicit : *Væ vobis, filii desertores, hæc dicit Dominus : habuistis consilium et non per me, et fecistis conventionem non per Spiritum meum adjicere peccata super peccata* (*Isa. xxx, 1*). Idem ad magnum presbyterum : *Ecclesia una est, que intus et foris esse non potest. Si enim apud Novatianum est, apud Cornelium non fuit; si vero apud Cornelium fuit, Novatianus in Ecclesia non est*,

nec episcopus computari potest. Hieronymus super duodecim prophetas : « Odit Deus sacrificia hæretorum et a se projicit, et quotiescumque sub nomine Domini fuerint congregati, detestabitur fetorem eorum et claudit nares suas. Odisse autem et projicere et non odiari, humana loquitur similitudine, ut nos affectum Dei nostris sermonibus cognoscamus. » Idem de Agno paschali loquens ait inter cætera : « Non putemus Agnum istum ubique posse comediri. Præcipitur nobis ut in una illum comedamus domo, id est ne extra ecclesiam immolari Agnum putemus. » Ex quo manifestum est quod Iudæi et hæretici et omnia conventicula dogmatum perversorum, quia in ecclesia non comedunt, non eos Agni carnes, sed draconis comedere, qui datus est in escam populis Æthiopum. Nos vero comedimus azyma sinceritatis et veritatis. Augustinus ad Bonifacium : « Hæretici non querant Spiritum sanctum, nisi in Christi corpore, cuius habent foris sacramentum; sed rem ipsam non tenent intus cuius illud est sacramentum. » Idem : « Qui Joseph emerat, eunuchus fuit : ita qui gratiam sancti Spiritus mercatur, vivum semen non habet siccis genitalibus. Sic quoque ignis sacrificii, qui per septuaginta annos Babylonice captivitatis sub aqua vixerat, extinctus est Antiocho Jasoni vendente sacerdotium. Hoc significat ignem sancti Spiritus Simoniacis non lucere sacramentis. » Origenes in expositione super Leviticum : « Talis vir queritur, qui carnes sanctas possit comedere, non in quocunque loco, sed in loco sancto inter atrium tabernaculi. Audiant hæc qui scindunt Ecclesias, et peregrinas ac pravas inducentes doctrinas, putant se sacras carnes extra templum Dei, et extra aulam Dominicam posse comedere; profana sunt eorum sacrificia, quæ contra mandati legem geruntur. In loco sancto edi jubentur, intra atria tabernaculi testimoniis sunt, quæ fidei murus ambit, spei columnæ suspendunt, charitatis amplitudo dilatat. Ubi hæc non sunt carnes sanctæ nec haberi possunt nec comedri. »

28. Si autem aliquæ auctoritates requiruntur a sede apostolica promulgatae nostris assertionibus consonæ, poterunt sufficere auctoritates præmissæ de scriptis Leonis Magui et papæ Paschalis excepitæ, quorum alter in Ecclesia Alexandrina propter excommunicatos asserit interceptam sacrificii oblationem, et defecisse chrismatis sanctificationem, et omne cœlestium sacramentorum lumen extinctum. Alter in epistola Mediolanensis directa, illud beati Augustini dictum comprobat : « Veri sacrificii locus extra Ecclesiam catholicam non est. » Horum duorum Romanorum pontificum dicta cum superiorius posuerimus, eadem hic iterare superfluum, sed commemorare opportunum duximus. Attamen si quis plures apostolicæ sedis requirit auctoritates, audiat quæ sequuntur. Pelagius papa

A Victor et Pancratius ait inter cætera : « Non est Christi corpus quod schismaticus conficit, si veritate duce dirigimur, nec enim divisum Christum esse poterit quisquam sine Apostoli reprobatione confingere. Unam, ut sœpe dictum est, quæ Christi corpus est, esse constat Ecclesiam, quæ in duo vel plura dividi non potest. Simul enim cum ab eo quisquam discesserit, esse desistit Ecclesia. Unum Jerusalem templum est, idolis necesse est ut immolet, qui semetipsum divisorit. » Idem Joanni Patricio : « Noli catholicam semper mentem aliqua schismaticorum communione polluere. Unum Christi corpus, unam constat esse Ecclesiam. Divisus ab unitate veritatem corporis Christi non potest consecrare. Si enim ipsius consecrationis nomen rationabili ac vivaci intellectu discutimus, consecrare est simul sacrare. Sed ab Ecclesiæ visceribus divisoris et ab apostolicis sedibus separatus, dissecrat potius iste, non consecrat. Noli ergo quasi nulla schismaticorum aut Ecclesiæ sit differentia, velle indifferenter utrorumque sacrificiis sociari. » Gregorius in Registro : « Nos consecrationem nullomodo dicere possumus, quæ ab excommunicatis est hominibus celebrata : » Idem in Moralibus libro xxxv : « Notandum magnopere est, quod conversionis suæ sacrificium amici Job Dominum non per se, sed per Job jubentur offerre. Ait enim : *Job autem servus meus orabit pro vobis : faciem ejus suscipiam, ut non vobis imputetur stupiditia (Job xlII, 8)*; ac si aperte hæreticis dicat, sacrificia vestra non suscipio, petitionum vestrarum verba non audio, nisi per intercessionem illius, cuius professionis verba de me veracia recognosco. » Et post pauca : Salutem vestrarum per catholicam Ecclesiam quam diligo postulare; ipsi enim volo dimittere id quod mihi in ipsa deliquisti, ut hæc vestrarum incolumentem obtineat, quæ ex vestro languore laborabat. Sola quippe est per quam sacrificium Dominus libenter accipiat, sola quæ pro errantibus fiducialiter intercedat. » Unde de Agni hostia Dominus præcipit, dicens : *In una domo comedetur, nec efferetur de carnibus ejus foras (Exod. XII, 46)*. In una vero domo agnus comeditur, quia in una Ecclesia catholica vera hostia immolatur, de cuius carnibus divina lex efferræ foras prohibet, quia dari sanctum canibus vetat. »

29. Hæc Patrum dicta tam patentia atque manifesta sunt, ut dilucidae non egeant, patentissime namque Simoniacorum aliorumque hæreticorum sacerdotum (168) et sacrificium irrita demonstrant: imo nullum eos convincunt habere sacrificium verum, quanquam habeant sacramentum verum et integrum sacrificando secundum ritum ecclesiasticum. Duo enim nomina sunt sacrificium et sacramentum; et longe inter se discrepant significata ipsorum, cum vivificum Christi corpus proprie sat appelletur sacrificium, quod non proprie dici-

tur sacramentum, nisi quantum ad speciem quam quæ sensibus ingerit: quæ species non incongrue sacramentum dici poterit, utpote signum unius corporis quod est Ecclesia, de multis personis quasi de multis granis in unum compacta, et unum corpus velut unus panis effecta. Hanc unionem non significat nobis corporis Christi existentia, utpote nimum a sensibus nostris remota, sed ipsa quæ videtur et sentitur species et forma. Cum enim sacramentum sit visibile signum invisibilis gratiae, corpus Christi secretum et nostro visui abseonditum non audeo sacramentum appellare, quia non significat rem sacram, sed est res saera, nisi forte ab effectu dicatur sacramentum, quia digne participantem sacrat, sicut ornamentum quia ornat. Sententiam quorundam magistrorum affirmantium quod carne et sanguine Christi utroque invisibili intelligibili significetur corpus Christi visibile et palpabile, cogor admirari, cum potius invisibilia per visibilia, quam visibilia per invisibilia soleant significari. Igitur hæretici, schismatici et omnes evangelica falce præcisi, licet possint habere identitatem sacrificii nobiscum, quibus ille Agnus est unicum sacrificium, quem in una tantum domo co-medi probat evidentissima veritas præmissarum auctoratum.

30. Quibus etsi alicubi videantur aliæ auctoritates obviare, quæ sunt tam intra quam extra Ecclesiam, affirmant eadem esse ad modum quatuor paradisi fluminum, quæ sunt tam intra quam extra paradisum. Nihil nos movet hujusmodi auctoratum diversitas, quia nos non denegamus extra Ecclesiam esse posse sacramentorum integratatem; sed sacrificii veritatem juxta præmissarum auctoratum assertionem, quibus illæ auctoritates recte inspectæ non obviant, quæ non sacrificium sanctum, sed sacramentum integrum, non corpus Domini sed sacramentum corporis Domini extra Ecclesiam esse posse affirmant.

31. Est in hac diversarum non adversarum auctoratum determinatione caute notandum, quia magna invenitur differentia intra sacramenta et sacramenta. Nam alia sunt sacramenta quæ tantummodo circa creaturam rationalem fiunt, ut sacramentum ordinationis et baptismi; alia quæ circa res inanimatas fiunt, ut illa sacra signa, quæ verbis divinis accedentibus ad elementa fiunt in consecratione chrismatis vel altaris, vel etiam panis et vini; et illa quidem sacramenta quæ circa creaturam rationalem fiunt, cum extra Ecclesiam celebrata sint, irrita, vacua, extincta et mortua, fiunt rata et lucida et viva, dum rationabili creatura, id est homine pœnitentiam agente sacramentis extra celebratis, accedit Ecclesiæ confirmatio. Illa vero sacramenta, quæ circa res inanimatas fiunt, nullo modo confirmari poterunt, quia illæ creaturæ pœnitentiam agere non poterunt. Unde aliquando legimus personarum sacramenta foris data vel intercedente pœnitentia per Catholicos confirmata, vel

A interveniente ignorantia excusata, sicut ab Anas-sio papa sunt excusata ordinationis et baptismi sacramenta per Acacium damnatum celebrata, cu-jus dicta quidam negligenter legentes putant eum sentire contra præmissas auctoritates, sed non ita legenti patebit, si sacramentorum differentiam at-tendere voluerit, eorum scilicet quæ aliquo modo et aliquando poterunt excusari, per venialem seu invincibilem ignorantiam eadem sacramenta per-cipientium, et solam Dei gratiam in sacramentis quærerentium, et eorum sacramentorum quæ circa res inanimatas foris exhibita nunquam leguntur intus confirmata vel excusata; sed omnimodo ubique sunt exsufflata. Unde Alexander papa dicit:

B « Ecclesia quæ per pactionem pretii claruerit esse consecrata, et ut verius dicatur exsecrata, nullo modo pro ecclesia habeatur. » Quod de Ecclesia dicitur, de omnibus rebus inanimatis non incongrue dici poterit, quia videlicet neque vinum neque pa-nis, neque oleum a quolibet hæretico exsecratum potius quam consecratum dicendum vel habendum est sanctum. Ecce utecumque de sacramentis quæ sentimus expressissimus absque præjudicio meliorem et meliora dicentium, quibus acquiescere para-sumus, ostensa nobis ratione vel auctoritate, cui non debeamus contradicere, et propter quam dele-bamus dicta nostra mutare.

C 32. Libet autem adhuc dicere aliqua de inqua-peste, Simonia. Inter omnes quippe vulpeculas quæ demoliuntur vineas, nulla vulpecula nequior vel astutior Simonia. Nam, ut quidam ait,

Quo teneam nodo mutantem Prothea vultus?

Sic nos dicere possumus, quo teneamus nodo Simoniam vulpeculam astutissimam, vultu multifa-riam, habitu milleformem, et pene semper non so-lum aliis vulpeculis, verum et sibi meti dissimi-llem, usque adeo ut cum vineas Christi demoliatur, interdum in ipsius vinitoris habitu cernatur? Cum enim in una qualibet sua pelle dignosci cœperit, continuo aliam induit, et vineas quas devastat, interdum se plantare simulat. Ali quando et multo-ties hæc vulpecula a sagacibus Christi venatoribus deprehensa est, et pelle sua spoliata, at nunc pel-lém talem invenit in qua vix dignosci possit, D quando in ea non more vulpis utitur astutia, nec omnino appetet quasi bestia, sed quasi ovis do-mestica. Cum enim cœnobiorum prælati ab his quos in suum consortium recipiunt munera evi-gunt, ipsam simoniacam avaritiam nomine oblationis tegunt: nimirum satis improprie, cum aliud sit oblatio, aliud exactio; aliud quod sponte offer-tur, aliud quod etiam ab invitatis aufertur et extor-quetur. Non sic beatus Benedictus in Regula sua (c. 59) præcepit fieri: imo istud vetuit fieri, docens ut pauperes, qui pueros suos offerunt, simpliciter petitionem faciant, a divitibus autem parentibus non sinit quidem aliquid exigi; sed si quid sponte offe-runt, acquiescit posse recipi, quod ita receptum po-test appellari oblatio, non exactio. Christus etiam

diviti cuidam perfectam conversionem suadens, non ait: *Vade, vende quae habes, et affer mihi; sed da, inquit, pauperibus, et veni, sequere me* (*Luc. xviii, 22*). Petrus quoque apostolus communem vitam Ierosolymis regens a nemine sua exigit, quanquam ea suis pedibus apposita, quasi voluntariam oblationem recepit. Ananiam et Saphiram sua Christo destinare non exigit; sed ea jam destinata Christo dicavit; et in eorum fraudatores debitam vindictam exercuit, quo exemplo debetur illis magna severitas, qui fraudant vel decimas vel alias oblationes jam usui communis vitae destinatas: et ideo non debent culpari vel cum debita sili stipendia exigunt episcopi, et reliqui altaris ministri, vel graviter in eos vindicant qui talia defraudant. Illud quod in diuinis ministris exigunt non debita, quid est nisi apertissima simonia, sed novo pallio vestita, ut non possit agnosciri, dum Simon Magus Simon Petrus appetit videri. Dicunt enim episcopi deberi sibi servitium et expensas multas dum consecrant ecclesias: et nos non negamus eis debitum servitium et expensas quamlibet multas: verumtamen non ab ecclesiarum fundatoribus exigendas, nec omnino ab eis recipiendas, nisi voluntarie, non per exactionem, sed per devotionem offerant eas. Habent enim episcopi decimas ac villas, quemadmodum olim levite habebant decimas et civitates cum suburbanis ad altaris ministerium caste adimplendum; sed mirum est quod dicimus, ad placita, sacularia, et hujus mundi negotia, pascunt semetipsos episcopi de facultatibus episcopalibus: et aliunde patrum exigunt in ipsis ministeriis episcopalibus, ecclesias consecrare, clericos ordinare, christianos consignare pertinet ad officium episcopale; decimae, primitiae, seu cæteræ facultates ecclesiasticae ad hoc officium debent episcopum sustentare, atque ideo ex debito requirendæ in usum episcopi et clericorum cooperantium illi. Si quid ultra exigitur in administratione spiritualium officiorum, lepra Giezi contrahitur, et in tali administratione non Deo sed mammonæ servitur. Unde laudanda est papæ Honori censura justissima, qui Ottonem Halverstatem dictum episcopum depositum, et simoniacum suis litteris publicavit, pro eo quod in consecratione cujusdam ecclesiae, sub praetextu servitii convictus est pecuniam exegisse.

33. Igitur, o vos omnes, quibus dicit Sponsus: *Capite nobis vulpes parvulas quæ demoluntur vineas* (*Cant. ii, 15*); capite istam vulpem vetustissimam tempore, sed semper novam nova fraudum reparatione. Separate vos ab oratoriis per manifestam pretii pactionem, per indebiti obsequii exactionem non tam consecratis quam exsecratis. Nam si tales ecclesias pro consecratis habebitis; Romanæ sedi inobedientes eritis. Docet enim Alexander papa II, ut jam supra notavimus, ecclesias per pactionem

(169) Tria Romæ sub Alexandro papa II celebrata sunt concilia: unum anno 1063, duo vero 1065. Ad primum, quod præsertim adversus Simoniacos con-

A pretii consecratis, non tam consecratis quam exsecratis esse, ac nullo modo pro ecclesiis habendas. Idem in Ecclesia Constantiniana centum et amplius episcoporum (169) synodum celebrans, vulpeculam de qua loquimur tribus percussit ictibus. Nam legitur inter cætera illius concilii capitula: « Ut ecclesia et altaria nec vendantur, nec emanuntur: et qui amodo vendiderint vel qui emerint, anathemati subjacebunt. Item ut ecclesiæ per premium vel a Simoniacis consecratæ denuo consecrentur. Item ut presbyteri a tempore Nicolai papæ usque nunc et deinceps scienter ordinati a Simoniacis, sciant se depositos. » Hujuscemodi percussionibus plagata jam vulpecula poterat videri penitus imperfecta, nisi quod ipsa est fortasse illa bestia, de qua legitur in Apocalypsi: *Quod habet plagam gladii et rixit* (*Apoc. xiii, 14*). Ariana pestis vel alia quilibet heresis tunc est extincta per plagam gladii, cum damnata et anathematizata est judicio synodali. Simonia vero, quanvis gladio anathematis non semel percussa, tamen adhuc vivit, quia plaga mortis ejus per hoc videtur curata, quod etiam a religiosis quibusdam recipiuntur manifestorum Simoniacorum sacramenta, licet a Romanis pontificibus tanquam ore ipsius Petri multoties interdicta. Vivit plane adhuc Simonia, non quidem veritate, sed eorum aestimatione, qui Simoniacorum sacramenta putant vivere, pro eo quod Simonem Magum vident non jam per terras ambulare, sed juxta cœlos volare. Concedimus et nos adhuc vivere Simonem Magum in suis complicibus, attamen jam mortuus est, et quotidie moritur, imo quasi cadaver fetidum reputatur ab electis ad Christum pertinentibus et ejus contactum fugientibus, juxta quod in lege fuit prohibatum, ne quis tangeret morticinum; quod si quis tetigerat, iex eum judicabat immundum. Et notandum quod tangere vel comedere morticinum lex absolute prohibet. Portari vero morticinum urgente necessitate indulget, ita dicens: *Et si necesse fuerit ut portet quidpiam horum mortuum, lavabit vestimenta sua, et immundus erit usque ad solis occasum* (*Levit. ii, 22*). Qua consideratione concedimus quidem urgente necessitate morticinum esse portandum; sed nunquam concedimus illud esse tangendum vel comedendum. Verbi gratia, quando de Simoniaco agimus, quem licet aliqui contendant vivere, nos mortuum non dubitamus, nunquam concedimus talem mortuum tangendum, quia non est ejus peccato consentiendum. Multo minus vero acquiescimus talem mortuum comedendum, quia factum ejus non est imitandum. Attamen fatemur, urgente necessitate, mortuum istum aliquando portandum, donec fodiatur peccatori fovea, in quam projectus non portetur ultra. Parata vero tunc erit mortuo fententi sua fovea, cum Deo vel per se ipsum vel per legitimos judices agente projicitur de ecclesia gregatum est, spectare videntur tres isti canones, qui in editis desiderantur.

in sepulcrum vel infernalis pœnæ, vel quod magis optandum est pœnitentialis pœnæ. Ubi vero facultas non est exsequendi falsa judicia, necesse est ut portentur morticina; sed non sine lacrymosa compunctione, qua debemus vestimenta nostra lavare, id est exteriorem nostram conversationem, ita formare & purgare, ne videamur peccatores maxime in conciliis anathematizatos ex voluntate potius quam ex necessitate tolerare. Item vestimenta nostra lavamus, si pro eis lacrymas et preces fundimus, ne forte, sicut ait Apostolus, det illis reprobum sensum; sed ut resipiscant a laqueis diaboli, a quibus capti tenentur ad ipsius voluntatem. Sic rex David portabat Saulem divinitus quidem depositum a regno, sed adhuc potentem ex humano suffragio. Portabat quidem rex in Deo vivus regem Deo mortuum, sed tamen eundem quasi non tetigit; quia ejus factum non approbavit, quin potius ne illum tangere cogeretur, profugus ab illo in silvas latitavit et ad ultimum exsulavit. Lavit quoque idem David vestimenta sua, dum non in ruina inimici exultavit; sed planxit planctu magno super Saul et Jonathan filium ejus. Paulus quoque apostolus Ananiam pontificem postulavit, sed tamen ejus pontificatum minime approbavit, cui sui interitum prænuntiavit, dicens: *Percutiet te Deus, paries de albate* (Act. xxiii, 2). Lavit etiam vestimenta sua idem Paulus tristitiam habens magnam pro fratribus suis. Itaque David regis atque Pauli apostoli exemplis edocti mortuos ubi necesse fuerit ita portemus, ut tamen contactum eorum prout possumus declinemus.

34. Factus sum insipiens altiora me tractando; sed quia coactus dixi quæ dixi, credo et spero ab ipsa incarnata Dei sapientia imperfectum meum posse perfici, a cuius adversariis coactus sum insipiens fieri, non solum, ut dixi, altiora me tractando, sed et scribendo ad virum sapientissimum, cum sim stultissimus. Non enim ignoro quis cui loquor; sed exemplo Abrahæ dicentis: *Loquor ad Dominum cum sim pulvis et cinis* (Gen. xviii, 27), et ego cum sim genere, conversatione, ipsoque nomine obscurus, ad te, vir sancte abbas Clarævallis; ad te, inquam, nominis ac vitæ illustris, cum semel crepissim loqui, brevitatis compendium coactus excessi, mediumque sensum qui sæculares clericos et maxime conductitios offendit, ideo tibi tanquam Patri spirituali digessi, ut ubi quæ sentio approhaveris, defensorem et adjutorem, ubi vero aliquid eorum improbandum judicaveris, correctorem te mihi exhibeas, adjuratus et obsecratus per illum, a quo tibi est ea quæ rogo faciendi possilitas. Si enim in dictis et scriptis nostris cernuntur illa insignia, quibus Thamar ne combureretur legitur defensa, vide licet annulus, baculus et armilla, per quæ intelligitur fides, spes et charitas, obsecro te ne credas animam meam cum patre mendacii fornicatam, sed potius fatore illam de semine Judæ, id est Christi,

A gravidatam, ut exemplo Thamar pareret quasi filium, qui appellaretur Phares, id est dñs, quia Deus testis est, nulla propriæ gloriæ captatione, sed sola veritatis æmulatione vel me a sacramentis hæreticorum divido, vel inter ipsorum et catholicorum sacramenta magnam divisionem et distinctiō nem esse dictis et scriptis demonstro, sine meliorum, ut dixi, præjudicio.

35. Dudum necessitate compulsus ad Dominum papam Innocentium, ipso vocante, veni; cui me scrutanti, cum peteret qua fide vivo, qua spe gaudeo, et qua erga Deum et sanctam Ecclesiam dilectione, Christo douante, moveor; tanquam si au disset ex ore meo, de viro cujus hæc sunt concepi, benigne sui gratia me habuit, et per litteras suas B domino meo Salzburgensi archiepiscopo meam par vitatem defensandam commendavit, quem ideo præ ceteris optavi mihi defensorem dari et fieri, quoniam et ipse non minus quam ego, imo pro sue auctoritatis majestate multo magis ipse insignis archiepiscopus, quam ego pusillus clericus, hæc decertat obtinere, quod princeps mundi hujus non solum in se ipso, sed etiam in membris suis ab Ecclesia separatis jam ita sit judicatus, ut omnino contemni debeat, quamvis per sacramenta vacua inveniatur in angelum lucis transfiguratus. Unde accensus zelo justitiae non patitur in sua parochia vel clericos conductitios vel manifestos incestuosos altari ministrare. Nam cum habeat latam parochiam, C et amplam per iter decem dierum vel amplius extensem, non posses infra tantum terminum invenire saltem unum conductitium, vel unum clericum aperte incestuosum. Irregularis etiam canonicos tanquam vere Chananæos terra sancta indignos de claustris suis ejecit, et in locum eorum regulares canonicos tanquam veros Israelitas introduxit. Quod ejus factum licet nos approbemus, dum irregularares Chananæis, regulares autem Israclitis conferimus, non tamen ignoramus inter irregularares aliquos esse salvandos, et inter regulares aliquos damnandos, quomodo in Babylonia quidam laudabiliter vixerunt, et in Jerusalem quidam perierunt; sed quia super flumina Babylonis non est tuta sessio, neque in littoribus eorumdem fluminum, utpote multum Iutos sis, est fida statio, nequaquam commendat ipsam Babylonem bonorum illic bene acta conversatio, sicut nec Jerosolymam damnat pravorum inhabitat, quominus de harum duarum civitatum altera dicatur: *Exite inde: de altera vero, illuc vero ascenderunt tribus, tribus Domini ad confitendum nomini Domini* (Psal. cxxi, 4), atque ideo non immerito gaudemus, ubicunque irregularem aliquam congregationem quasi Babyloniam destrui, et de ipsius quasi melioribus lapidibus Jerusalem in communis vitæ reparationem videmus ædificari. Gaudemus, inquam, et petimus ut gaudium nostrum sit plenum per Christum Dominum nostrum. Amen.